

中華民國二十年六月

安東縣誌

王介公



安東縣志卷二目錄

物產

- | | | | | | | | | | | |
|-----|----|----|----|----|----|----|----|----|----|----|
| 藥物 | 穀類 | 家禽 | 山禽 | 水禽 | 鷺禽 | 家畜 | 野獸 | 鱗介 | 昆蟲 | 麥類 |
| 礦物 | 菽類 | | | | | | | | | |
| 製造物 | 蔬類 | | | | | | | | | |
| 氣候 | 菌類 | | | | | | | | | |
| | 瓜類 | | | | | | | | | |
| | 果類 | | | | | | | | | |
| | 花類 | | | | | | | | | |
| | 草類 | | | | | | | | | |
| | 木類 | | | | | | | | | |

卷之二 地理 四 疆域

北至 遼寧 南接 吉林 西連 山東 東臨 海洋

北至 遼寧 南接 吉林 西連 山東 東臨 海洋

北至 遼寧 南接 吉林 西連 山東 東臨 海洋

卷之二 地理

安東縣志卷二

物產

天然產

(甲) 動物

禽 分家禽山禽水禽鶩禽

鷄 種類不一以倫香種為最佳產卵肉食均極優美為農家所必畜民

國十二年關義安大令提倡實業曾令各區勸導廣為畜養以厚民生

鴨 古謂之鶩嘴扁平如匙上具感覺膜故能於泥淖中覓食足短前三

趾後一趾有連蹼能浮水羽密而澤不畏水濕兩翼甚小拙於飛翔行

時雄前雌後輒成行列性質木鈍產卵不擇地不能孵卵每以鷄代之

鵝

似雁而大有蒼白二色黃嘴紅掌頸長尾短鳴則雌雄相應聲音清越身軀肥滿翼力弱不能飛翔高飛爲異主人忌之

鴿

與鳩同類嘴短翼大飛翔頗捷足亦色而短小形態羽色種別甚多有全體灰白或純白及黑白相間者記憶力甚強放至遠處能自歸昔人用以傳書目爲飛奴喜棲高樓廣廈不甚畏人一種羣棲林間全體黑暗惟頸及胸有紫綠色之光澤謂之野鴿

以上家禽

燕

有家燕山燕二種家燕頷下色白巢居梁上山燕頷下色紫巢居簷下體小翼大尾甚長分歧如翦嘴短口闊捕食飛蟲有益農家春來秋去歲以爲常又有一種土燕巢於河濱土穴內巽河入江處有之故其地名土燕窩

鳩

狀如野鴿全體灰色頭小嘴短頸旁有青黑相間之斑點俗名斑鳩
穀兩後始鳴謂之鳴鳩聲如呼割麥插禾故又名布穀好食毛蟲有益
於森林爲益鳥

烏

俗名老烏身純黑不辨雌雄喜與鵲羣同擊鷹鷂以護其巢有反哺
之義所以爲孝鳥也

鴉

似烏而小腹下白不反哺爾鴉釋鳥鸞斯鸞鴉注鴉烏也小而多羣
喜食山蠶育蠶者輒斃之

鵲

形似鴉而尾長與身等尖嘴黑爪綠背白腹俗稱鴉鵲上下飛鳴俗
以其鳴聲吉祥亦稱喜鵲一種色黑翅與尾外端皆白嘴赤色尾長名
鵲亦名山喜鵲

卷二

物產

安東宏業號拾印部代印

雀 褐色有黑斑體最小常巢人家檐下俗稱家雀亦名瓦雀又蘇雀形
同家雀惟頭及胸有紅色一名千里紅成羣而飛山中甚多因喜食蘇
子故名又麻雀類家雀而大倍之身多白斑羣飛山中又有靛雀兩種
頰下紅者曰紅靛頰藍者曰藍靛頰善鳴捕得者輒畜之籠中又有黃
雀體小而黃鳴聲清細可聽人輒畜之性慧有用之抽帖以博利者

野鷄 本名雉漢呂后諱稱野鷄至今沿之形狀習性與家鷄相類雄者
羽毛美麗頸有白毛一輪曰赤尾長尺許雌者多土黃色亦有灰色者
體小於雄產卵則遠去懼雄啄食也冬季羣飛獵者獲之輒雌雄成雙
售於市送禮者多購之

鷓鴣 形類鷄雛頭小尾禿嘴脚均短翼黃褐色有黑斑腹色赤白平原

淺草間及濱海葦塘中有之性好鬥養馴之可把玩焉 按鶴與鶉同類異種狀亦相似惟鶴羽無斑點頸脚皆長今混稱鶉鶉誤

鷓鴣 一名巧婦嘴尖全身灰色有黑褐色細斑巧於營巢巢大如鷄卵繫以麻髮至爲精密莊子謂鷓鴣巢樹不過一枝即此

黃鸝 即黃鶯亦名倉庚背灰黃色腹灰白色尾有黑羽雌雄雙飛鳴聲宛轉清脆境內不多見深林中間有之

鵲鴿 詩作脊令爾雅作鵲鴿雀屬形似燕飛行如波狀棲止則喜低昂其尾以體之重心不在兩脚間故也俗呼顛閃鳥常棲息水邊捕食小蟲故爲益鳥有黃白及黑脊白頰長爪諸種別

鵲鴿 卽祝鳩長尺許嘴細長上嘴鈎曲羽黑褐色頸旁有黑色及青灰

色之鱗狀斑點晴時鳴聲和緩將雨則急俗謂喚雨喜食柞蠶養蠶者見輒斃之一種形小而善鳴俗謂水鶉鳴

蠟嘴 身灰翼黑雄者黑頸雌者否嘴曲而厚色黃如蠟故名雄者鳴聲清脆其性易馴畜之可玩又有銅嘴似雀而大色灰黑喙青黃如銅又錫嘴嘴白又鐵嘴形類阿藍無角頂雄者皆善鳴

啄木 爾雅釋鳥鴛斲木注口如錐長數寸常斲樹食蟲因名云按動物學屬攀禽類足具四趾二前二後便於攀援嘴銳直而堅舌細長尖端有鈎以嘴叩樹察有木蠹者穿孔鈎出食之種類頗多常見者爲紅啄木背翼均黑雜以白斑頭尾有赤羽次爲青啄木背尾綠色頭灰白額頰皆黑均益鳥也

鵓母 爾雅釋鳥鴛鵓母注鵓也青州呼鵓母義疏今驗鴛鳴以嘴插地

如牛鳴窳中故曰鵓母今縣俗呼爲老牛牟色綠尾短喙長鳴則牟牟若牛農人以所鳴聲數預卜天時旱潦

阿鷓 通志作阿藍韋昭謂之鷓扈有毛冠者曰鳳頭鳥呂覽注鷓一名冠雀是也小者曰清水又名叫天爾雅謂之鷓鷃尾短多聲人多寵畜之

戴勝 生樹穴中似山鵲尾短長嘴青色有黃白斑文頂有毛角如戴華勝故名常以三月中鳴鳴自呼也即今之縷縷穀

油鶴子 背黑腹黃尾根正白春日羣飛至田中捕之可食

三道眉 體小色黑其眉似分三道故名

柳葉兒 色淡綠小如指又串柳兒類柳葉雀形微大

嬾老婆 類鳩而大晝棲山林黃昏時飛繞村落尋食鳴聲吧吧春夜輒

聞之

王乾哥 大與鶉等尖喙長尾身有黑藍花紋鳴聲云王乾哥故名

棒極雀 身小色黃春初鳴輒徹夜聲類鶉而青細

以上山禽

鳧 釋名野鴨詩疏謂野鶩沈鳧卽俗呼水鴨是也狀似鴨而小常棲息

江河中捕食魚類雄者羽毛甚麗頸色綠頸後部有白色之輪雌不如

雄美觀翼長尾短能飛翔空中時作螺旋狀肉味腥不甚適口

鶴 似鶴而頂不丹高足頸嘴皆長全身灰白翼尾黑色慣涉淺水捕魚

巢於高樹縣俗名水老鶴又名水老老

鶴 高二三尺嘴及頸脚皆長體色純白丹頂額頰及自咽喉至頸色黑翼尖亦黑尾羽白鳴聲高朗喜食魚濱海葦塘中有之一種色灰者俗名土鶴

沙鷗 大如燕色灰白馳行至疾常在沙際飛鳴迭起迭落鳴聲上下水邊多見之

鶻鳥 大如燕色碧嘴長尾短即翡翠之小者俗名魚狗

翠鳥 與魚狗同類而體略大羽亦較美麗其翠羽可以爲飾昔時首飾之點翠卽用其羽也雄赤曰翡雌青曰翠嘴尖長而尾短捕魚爲食常在水邊穿穴築巢而居鰓河之濱恒見之斐然可愛

魚鷹 大如鴉色黑鈎嘴食魚一名鈎魚郎

以上水禽

鷹 一名鷓鳩嘴自根即鈎曲兩翼長大背暗褐色腹白有黃褐色橫紋脚四趾其三向外其一能前後回轉皆有鈎爪勁而有力眼甚銳敏盤旋空中無微不矚獵者畜之可以捕雉兔

鳶 狀與鷹略同惟嘴較短尾較長全體褐色微紫兩翼甚大飛時不甚動若靜懸空中喜廻旋作大環尾常開展或平或側以調節其勞有所擊搏則自空疾下常攫取蛇鼠鷄雛等亦嗜食腐敗之物俗謂之鷂鷹又稱老鷂

鷂 即鷂類一曰隼又曰晨風俗呼雀鷹大者曰鷂子皆善捕雀

鴟鵂 身大色黑黃而有白斑頭目如貓俗稱貓兒頭耳邊有長毛似角
一名角鴟眼圓大帶赤黃色晝不見物夜察秋毫其鳴曰轂轆貓雌雄
相喚聲如老人初若呼後若笑爾雅謂之怪鴟俗人聞其笑聲云有凶
禍

鴟鵂 即鴟也狀如母鷄有斑文似鴟鵂而大暗灰色翅與尾翎皆黑目
如貓目巢於山巔石窟捕食蛇鼠等物夜鳴聲如人欬一名訓狐俗名
狼虎

以上鷲禽

獸 分家畜野獸

馬 蹄壯善走除本境產生外多由西城及蒙古販入鄉鎮畜者無多商

埠內業馬車者多畜之

牛 以黃色爲上品牝曰牯牛俗呼乳牛牡者曰犍牛俗呼芒牛性馴力

大能耕田挽車農家喜畜之埠內回民屠宰肉食歲計數千頭

羊 有二種色黑者名山羊白者名綿羊綿羊肉肥而味羶不及山羊之美本境畜者無多多由他縣販入

驢 有灰黑二色牝曰草驢牡曰叫驢縣境所產體格皆小多用以挽碾磨貧富皆畜之用以負物耕田者尙少

騾 本作羸驢馬相合而生者馬牝驢牡則體格强健能任力役驢牝馬牡反是縣境有車者多畜之亦有用以負重者

犬 有數種一身長足高性馴一身偉足短喜狂吠一身小頭圓面凹耳

大視聽尤靈曰哈叭狗有茸毛類獅者亦名獅子狗

豕 俗謂之猪色多黑亦有雜以白色者頭小腹大足短者易肥美喙長耳大身與足稱是者難肥爲肉食大宗幾於家豢而戶畜之

貓 牝曰女貓牝曰牙貓有黑白黃諸色以有狸文者爲多呼狸貓善捕鼠家恒畜之

家兔 有黑白二色白眼紅毛最溫軟易於生殖

以上獸類之畜於家者

狼 狀類犬毛色深黃頭銳喙尖頰下有白色小斑點後足銷短尾粗大下垂性殘狡穴居山野常食哺乳類鳥類動物飢則襲人聞銅鐵聲則退性善疑如尾追人故作釘橛狀即不敢前圍牆畫白圈則不敢入院

皮毛溫厚可爲裋褌清會典品官坐褥一品用狼

狸 似貓而大俗名野貓亦呼山貓毛雜黃黑斑文近山處多有之恒入人家竊捕鷄鴨皮亦可爲裘但不甚溫耳

狐 似犬而小體瘦頭尖銳尾粗大下垂毛色不一性狡猾妖媚穴居山野毛極溫厚皮可爲裘生十四五年俗傳狐能祟人妄也

貉 狀如狸銳頭尖鼻性好睡晝伏夜出捕食蟲類毛色斑駁質深厚溫滑可以爲裘

獾 形與貉同但毛粗短而黑有猪獾狗獾二種猪獾一名貓狀如猪而喙尖足尾皆短前肢有銳爪便於掘地毛黃褐色脊有黑縱毛一條體肥行鈍性敏捷穴土而居夜出捕食小動物及果實之屬狗獾似狗而

小體肥尖喙矮足短尾毛深褐色性似豬獾皮毛較美可爲裘領衲褥油可治湯火傷

麇 本作麇屬形似鹿毛色蒼黃牡者有角牝者無之善走皮可障潮濕但毛脆易落耳肉味甘平可作脯亦野味之一也

山兔 類家兔而大多黃褐色皮毛溫暖冬季多取作耳包毫可製筆其鋒尖利名爲紫毫

鼠 俗名耗子背褐色脚短尾長毛質柔滑有隙即能出入穴處人家夜出竊食或嚙衣物且能傳染黑死病爲害甚大惟貓能捕滅之生百日即能產子每年四產故生殖甚速又有鼯鼠鼯鼠等皆在田中食粟豆者也

鼬鼠 身長足短尾大色黃俗名黃鼠狼其行屈曲自由出入隙穴如蛇類善捕鼠夜出竊食鷄鴨被人追迫其肛門腺道放出惡臭借以脫免毛可製筆謂之狼毫近年皮張輸出美國價值頓昂

松鼠 身短尾長通身豹文俗名花鼠喜食榛仁松子等物跳躍樹間故又名飛鼠爲柞蠶害育蠶者恒捕之

江獺 出鴨綠江中形似狗而小色青黑尾長趾短趾間有蹼能游泳穴居江岸捕食魚介毛稠密而柔極溫厚可爲衣領價至昂貴

蝟 與鼠同類異種穴土而居晝伏夜出體長尺許頭足皆小全身多尖銳棘毛物犯之則體縮如毬棘毛攢起如集矢俗呼刺蝟食田間害蟲於農家有益冬季睡眠穴中不飲不食皮入藥

蝙蝠 狀如鼯鼠而小有肉翅與足相連故能飛行趾具鉤爪晝畏日光棲止檐間以爪鉤物而懸其身全體密生暗灰色柔毛口中有齒夜出飛翔空中捕食蚊蠅於農家有益其糞入藥曰夜明砂

以上獸類之生於野者

鱗介類

分魚類介殼類軟體類兩棲類爬蟲類

嘉鱻魚 俗作嘉吉說文鱻魚出東萊段注依玉篇當作缺鱻魚即嘉鱻魚也體豐碩似鯽而頭較大鱗色微赤肉白肥美評海味者以爲上品肉可曬魚米四時皆有安東近海五月間始出

石首魚 腦中有白石二枚瑩潔如玉故名有數種一種巨口細鱗作黃金色名黃花魚味最鮮美一種體微寬鱗細而白名白女或名白姑不

識者呼爲黃花四時皆有安東近海惟五月黃花魚汛始至網取頗多
偏口魚 吳都賦云雙則比目片則王餘注云王餘魚其半身也俗云越
王鱠魚未盡以其殘半棄水中爲魚遂無一面故曰王餘今案王餘即
偏口也鱗細而白小頭縮項穹脊闊腹背青腹白體薄如魴惟一面有
鱗爲異其口偏在有鱗一邊極似比目但比目須兩片相合此魚兩目
連生性口偏一處耳爾雅釋地注以比目王餘爲一魚誤矣右見文登
志他處海中此魚春初至惟安東近海舊歷四五月魚羣始至網獲頗
多一種最大者名鰈板一種類似偏口而背有硬斑無鱗俗名石僵魚
鰈絡魚 通作河洛魚或作火勒魚香祖筆記作何羅魚皆一聲之轉耳
形秀而扁脊色青蒼腹白如銀肉中多細刺味至美如南方之鮓爾雅

釋魚鮨當鮓郭璞註海魚也似鰻而大鱗肥美多鯁今江東呼其最長

大三尺者為當鮓蓋即今之鮓魚或謂之養魚非也養音想乾魚臘也吳地記云閩間入海逐東夷據沙洲上見金色遍海而來遠洲百匝所司撈漉得魚食之美王歸思海中所食間所餘所司云並曝乾王索之其味美因書美下著魚為養字魚出海中作金色不知其名吳王見腦中有骨如白石號為石首魚據此則養魚實即石首魚非鮓魚明矣是魚脂肪

在鱗故帶鱗烹食四時皆有安東江海之交五月所出較多

同羅魚 盛京通志作同勒似鯉而頭微大鱗小重不過筋許出海中按

此魚鱗色微黃有小黑點肉粗味薄本名黃鯛或訛為黃骨又名黃姑

或名黃鯊安東則名同羅舊歷五月中始出

鱉魚 似鱸而色蒼巨口細鱗大者長數尺肉白而粗貨者賤之其鱉特

貴梓人制器黏綴合縫勝於用膠謂之魚鱉實此魚腹中之腴也夏秋

間多有之

安東宏業號鉛印部代印

鱗魚 形薄多刺說文飲而不食刀魚也其形纖削似刀俗呼刀鱗魚或呼小刀魚五月間出江海之交

魮魚 形似鯉身圓首扁生淺海中專食泥口小而鱗黑性慧不入網罟漁人以網圍之俟潮退取之肉原味美介象與吳王共論魚以魮魚爲上取其益陰見雨航雜錄凡魚多以大噬小惟鯉與魮不食其類

以上魚類產於海者

鯉 體扁鱗大口有雙鬚脊中鱗一道每鱗上有小黑點文大小皆三十六鱗有赤青黑白黃諸色縣境江河所產皆黃鯉鴨綠江中有大至十餘斤者味甘平食之止渴消水腫黃疸脚氣諸疾

鯽 一名鮒似鯉而小無鬚鱗縱列數三十九枚色黑而體促腹大而脊

隆頭與口亦小江河池沼皆產之生長甚遲山堂肆考云諸魚皆屬火
惟鯽屬土故能入陽明而有調胃實腸之功

金魚 鯽之變種體小種類不一或腹大或額豐眼凸頸短尾歧或白或
黑或金紅色持黃白相交一稱金鯽多畜缸中以資玩賞

鰕 一交鰕花又名花鰕魚扁形濶腹產鰕河及江中爾雅翼鰕魚鬚鬣
皆圓黃質黑章皮厚而肉緊特異常魚其斑文尤鮮明者雄也稍晦昧
者雌也漁者索貫一雄置之溪畔羣雌來齧之不捨掣而取之常得十
數尾凡魚無肚不嚼鰕魚有肚能嚼李廷飛魚壽書鰕魚刺凡十二應
十二月誤噉傷人橄欖核磨水嚙之可解魚畏橄欖故也

鱸魚 狀似鰕而色灰白有黑點巨口細鱗大者十餘斤產鴨綠江中夏

秋間多有之食之補五臟和腸胃益筋骨利水氣作膾尤佳

梭魚 體圓頭扁背黑腹白江河中者眼白海中者眼赤四時皆有冰畔時江中所出者爲最美俗呼開凌梭云

鮎魚 即詩之鰻身圓性偃大首方口有鬚無鱗背部蒼黑腹部黃白身有黏液甚滑江河池沼皆有之大者尺餘

鱣魚 字亦作鮓俗作鱣似蛇無鱗體多黏液有數種背青腹黃者爲黃鱣腹白者名白鱣卽鰻也產江河淺水中秋冬之交蟄居泥沙人持長柄腹叉刺取之食之補益日人珍之生海中者名海鱣其大數倍利齒如鋸性悍猛釣者憚之呼爲狼牙鱣山堂肆考云鱣頭昂起寸許者名昂頭鱣不可食

泥鰻 爾雅謂之鰓字亦作鰓作鰓體圓而短眼小而高口狹而低有鬚五對背蒼黑而腹灰白皮膚富黏液鱗埋沒於皮膚之內濡滑難握常潛伏池沼溝渠等之泥水中時或浮於水面呼吸空氣

鱧魚 形圓而長細鱗黑斑首有七星文俗呼黑魚多產止水中

銀魚 形狹而扁長二三寸骨軟肉嫩明瑩如銀又名白小杜詩所云白小羣分命天然二寸魚也博物志吳王江行食膾棄殘餘於水化爲魚名鱠殘即今銀魚產鴨綠江中冬月鑿冰取之山堂肆考銀魚身圓如筋潔白無鱗目兩點黑甯波志形如麩條而純白色杜詩註詩云天然二寸魚又名之曰白小當今所謂麩條魚者二書皆以銀魚即麩條魚又本草綱目鱠殘魚身圓如筋潔白如銀若已鱠之魚但目有兩點黑

耳盛京通志繪殘魚色白無鱗若已鱠者俗呼麪條魚二書皆以鱠殘魚爲麪條魚按銀魚與麪條魚色皆白而實不同銀魚形扁而出於冬麪條形圓而出於春天然迥別不能強同惟文登志以鱠殘即銀魚今從之

麪條魚 纖細而長如切湯餅之狀全體潔白惟目兩點黑江河近海處多產之而鴨綠江下游尤爲大宗特產每歲開冰後盛出自江口逐漸而上至大沙河口上土燕窩則止捕獲甚多鮮食乾食皆良往歲視爲賤品近爲日人大宗包買設廠製造名白魚筏燒運銷東洋價始稍昂矣

重脣魚 俗名叢叢魚身扁圓而鱗大其脣獨厚故名大者數尺江河皆

產之多藏深汀每歲桃開時夜間羣出潑刺有聲

凡魚嗜子必游行潛水草際化魚前行杜魚隨之濁白覆子輒咬其尾俗名咬汎

舉網掩取得魚甚多但兩汛僅數夜耳冬時高麗人恒於江中鑿冰下網取之俗謂穿凌網

河豚魚 俗名挺拔江河海中皆產之狀如科斗大者名鮓鮓古呼爲鮓

鮓別名鮓又名鮓無頰無鱗腹下白背上青黑有黃文眼小而高能開闔能作聲觸物即怒腹脹如氣毬每歲四五月頃成羣而出由江入河人多網取之斯時其生殖器及肝臟生河豚酸有劇毒誤食之往往致死肉淡泊而甘美亦或有中毒之虞凡烹者腹之子目之精脊之血皮與肝腸必盡棄之惟取其肉滌宜極淨煮宜極熟用萹蒿蘆根同煮能解其毒故蘇詩云萹蒿滿地蘆芽短正是河豚欲上時又梅聖俞詩春

洲生菽芽春岸飛楊花河豚當是時貴不數魚蝦食物祕書云凡中河
豚毒用鴨血灌下立解生蟛蜞擣汁服亦妙張耒明道雜志云水調炒
槐花末及龍腦水皆可解服至寶丹亦解鐵嶺志云羊蹄葉解之

沙鮐魚 俗呼沙鯛嚙口小體狹圓而長鱗淡黃而有點文性善沈常伏
沙際張口吹沙多產河中

馬口魚 體扁鱗色青白上脣中缺口合時賴下顎骨補之有類馬口故
名長不逾尺急行善跳產鰕河中

草根魚 本名鮭亦作鱣食草而易長身圓肉厚有青白二色性善跳未
易捕秋寒時羣聚江河淺水網取頗多

柳根魚 身軟鱗細背分黃黑二色河邊柳下多有之

紅鱗魚 鱗有紅斑鰭色亦紅形扁而寬灤河產生最多五月間羣出產卵可以密網取之

青鱗魚 口小鱗細而色青長三四寸深水多泥有此可以釣取

船釘魚 生河水中狀似吹沙長三四寸頭大口潤色黃有斑見人則以喙插泥中以自隱如船釘也

白漂子魚 即詩之鰱魚形狹而長僅二三寸鱗白而細性好浮水故名

秋生子魚 形類白漂體狹而扁鱗極細脊色微青腹色淡黃大者長四

五寸爲灤河特產秋日始生經霜即死最鮮美生食味近黃瓜但其生不殖網取無多價值頗昂活者尤貴吸其恤可療肺病日人頗珍重之

黃鰓魚 似鮎而小背青黃色無鱗兩鬚有胃性最難死俗呼黃昂魚產

饜河中

沙白魚 鱗細而白長不滿尺產江河中秋寒時羣聚淺水網取甚多

尖口魚 形扁而薄口尖鱗細長僅數寸產趙氏溝及東溝合流處鮮食

無肉可鹽製曬乾運銷各地歲出數萬斤

大頭黃魚 頭大身小鱗色微黃故名產趙氏溝等處可鹽製運銷歲出數萬斤

以上魚類產於江河者

蝦 正字通云磔鬚鉞鼻背多斷節尾有硬翅腸在腦子在腹外多足善躍頭胸部具三對顎足五對步足腹部有橈足適於游泳鹹水淡水均產之種類甚多安東江海所產者最小曰蠓蝦以形名冰畔時出江中

製醫取油最美大者曰青蝦春夏秋皆有鮮可取仁乾可曬米俗呼大蝦米年產數萬斤運銷四方爲鴨綠江大宗特產又有白蝦俗名白曬子可製小蝦米豐收時年約二十餘萬斤歉收亦四五萬斤三種皆產江中趙氏溝大東溝等處別有螿蝦產海中色青而大長五六寸出水即死俗亦謂之明蝦製成色紅兩兩成對俗呼對蝦味最鮮美產河中及溪間者則有草蝦泥蝦色皆灰黑又海中有蝦蛄狀如蜈蚣長四寸許全體淡黃微綠殼硬而厚食之無肉俗呼蝦爬人皆賤之

蝻蛄 似蝦有螯似蟹無甲身短尾濶能爲退却運動產溪澗中高江村松漠紀聞云土人謂天廚之珍歲薦寢陵必需焉蓋吉林爲出產地滿洲人嘗搗成膏以薦宗廟安東所產無多亦不重視之

蟹

種類不一形狀各異其匡有左右兩端突出如錐後足闊而扁者曰

飛蟹即蝤蛸也生海中春日日出最號肥美有殼如鬼狀眉曰口鼻分明

者曰虎頭蟹卽蘆虎也

蟹有十二種
十一曰蘆虎

夏日盛出江澚不中食別有生海邊泥

中其小如錢者蓋螯蛸也其秋日出於川流河口者螃蟹也皮曰休詩

蟹因霜重金膏液高青邱詩香宜橙實晚肥近稻花秋蓋海蟹宜春而

河蟹則秋後可食

以上介殼類

蚌蛤

介屬雙殼類長曰蚌短曰蛤亦名蛤蜊陸龜蒙詩何事晚來還欲

飲隔牆聞賣蛤蜊聲形色不一有花蛤黃蛤白蛤馬蹄蛤牛眼蛤瓦壘

子諸名產於江海乾潮線以內泥沙中又有烏蛤殼橢圓而膨大外面

色黑肉面眞珠色產江中軟泥之處結冰時可取肉帶泥臭非佳品俗

呼臊蛤其肉中間或有含眞珠者

蜆 蚌屬隋劉臻好啖蜆以父諱顯音同蜆呼蜆爲扁螺有白蜆沙蜆之別白蜆卽白蛤生泥水中沙蜆產沙水中殼圓小外褐內紫一種黑殼長二三寸濶四五分狀如剉刀肉白長如小人二足爾雅謂之蜃一名馬刀卽蜆也味最鮮美或作鮮

蛭 亦蚌屬形圓長如竹管兩開色茶褐長三寸許粗如拇指肉白細長俗呼爲美人蛭產海邊泥中

蠣 有二種一牡蠣附石而生殼作兩片其附石一片黏著不動凹凸陀隨石曲折相連如房所謂蠣房也每候潮來諸房皆啓潮退仍閉取者鑿破其房以器承取其漿漿與肉皆青白色味清絕其殼不附石隨

水漂泊者曰滾蠣縣境所產滾蠣爲多殼長大堅厚可以燒灰

螺 屬單殼類亦作羸俗呼螺螄殼作螺旋形小者曰蝸有田螺海螺之

別種類最多

蝸牛 卽蛻蝸也殼爲螺旋形行動時突出頭部有觸角四後二較長其

端有單眼皆可伸縮行時留黏液於其後成銀色殼負背上受驚時身

即縮入殼內嘗集於草叢樹蔭之濕處蝕害綠葉又有土蝸名蛻蝸程

瑤田釋蟲小記謂蛻蝸卽蛻蝸與蝸牛爲一物其與蝸牛同類異種者

爲蛻蝸生陰濕地似蝸牛而無殼首有兩角背有淡紫色之縱線經行

處輒留黏液觸之輒蜷縮俗呼鼻涕蟲 以上軟體類

蛙 本作鼃皮澤而滑潤四足前兩足短各有四趾無網皮後兩腿甚長

各有五趾連以網皮故善跳躍與游泳圖經云似蝦蟆而背青綠色俗謂之青蛙背有黃色縱線者謂之金線蛙一種形小而綠慣棲樹杪雨後輒鳴謂之雨蛙一種較肥大黑質而白文俗名田鷄其聲閣閣即螻蛄也一種生山谷間大如金線蛙褐色兩頰及背皆有黑斑雄者腹色白雌者淡黃或赤褐色謂之山蛤一名南風蛤伏藏溝壑巖石中遇南風則出俗呼哈什蟆秋末春初有子與油肥美可食味在於皮連皮蒸熟食之清美清時充貢稱爲珍品縣境溪澗巖石下有之

蝦蟆 體暗褐色背多黑斑點有疣能跳接百蟲而食之舉動極速鳴聲呷呷多在陂澤及叢林間食雜蟲及蠶業蠶者見輒斃之

蟾蜍 爾雅謂之鼃鼃郭注云似蝦蟆居陸地體肥背上多痔磊行極遲

緩不能跳躍亦不善鳴多棲息於牆陰壁下夜出捕小蟲食之

按漢書武帝元鼎五年秋蛙與蝦蟆鬪則蛙與蝦蟆固爲二物至蝦蟆與蟾蜍諸書皆分爲二以爲蝦蟆小於蟾蜍能跳接百蟲善鳴蟾蜍大腹癩背不能跳躍亦不善鳴惟穆希文蟬史云予村居無事細視科斗漸大脫尾生足而登陸至四五月則居稻田內好鳴能跳接百蟲而食之經年方老好居人家下濕地夏夜則出拾蟲而不能跳矣亦不鳴聒人呼爲蛤霸其實一物老幼殊質春夏異時遂分爲二也此可備一解

以上兩棲類

鼈 說文甲蟲也一名甲魚俗名脚魚又名團魚背甲稍扁平略呈卵圓形中央部隆起而硬甲之邊有肉緣無骨片曰肉裙被以軟膜有顆粒

腹甲平滑由革膜變成實非骨質蓋鼈無胸骨也首尾與四足能縮入甲內肉味甚美食之滋陰調中補虛益氣江河皆產之野記云鼈之所在其上必有沫謂之鼈津捕者以此得之養生雜纂云鼈有四目獨目白目者赤足三足者腹下有字天字王字者領下有軟骨如鼃形者頭足不能縮者目凹凸者皆不可食

蛇

俗呼長蟲體爲長圓筒狀修尾無足以肋骨推身蜿蜒而行有鱗紋透明之表皮年年更蛻舌端兩歧齒皆內向有毒者別具毒牙二能白起伏人爲所齧中毒往往不治種類甚多大別爲有毒無毒二種縣境所產有數種

烏梢蛇 色灰而澤大者長數尺有冠幘多藏草堆敗垣間雨晴時輒

出時或登樹升屋吞食鳥卵性柔善不爲人害 白梢蛇 身細而長

能行草上如飛俗呼白梢子乃毒蛇也 雞冠蛇 頭如雄雞有冠文

采斑爛俗呼野雞脖子行至疾喜嚙人最毒 一種色黑而粗短小無

尾飢時矗立張口外露紅肉小鳥啄之輒爲吞噬俗名七寸子性最毒

山間有之 一種色灰鱗細身左右有黑圓點兩行俗名小豆粒子其

尾拂人雖隔衣不免紅腫其口毒可知 一種身長色黑慣蟠繞樹間

俗名貼樹皮亦毒蛇也 水蛇 色或淡綠或黑黃相間池塘草際多

有之能游行水面無毒 黃帶蛇 長尺許身多紅黃斑點一名黃花

蛇無毒 火乾蛇 色赤紅體粗而短最毒天旱時多有之

蜥蜴 一名蛇師又名蛇醫舊說蛇體有傷此輒銜草傳之故有蛇醫之

號或謂之蠖螈俗呼馬蛇長二三寸背灰褐色腹白四短足聞人足音輒突奔數尺乃伏田野草間多有之

以上爬蟲類

昆蟲

分有翅多足節肢環蟲害蟲

蜂

說文飛蟲螫人者翅薄如膜脈紋甚少屬膜翅類種類不一有蜜蜂土蜂木蜂草蜂黃蜂胡蜂之別蜜蜂合羣釀蜜及傳播花粉直接間接利益於人故人樂收養之至草蜂土蜂有害於人人恒除之別有馬尾蜂體長五六分紅褐色翅有紅黑斑紋雌者產卵於桑牛幼蟲之體化而爲蛆食宿主膏血至死爲農家益蟲凡爲蜂所螫者按芋梗傳之則愈

蟻

亦屬膜翅類有赤白黃黑數種每種皆有后蟻雄蟻職蟻三類與蜜

蜂正同惟職蟻無翅性合羣善鬪整隊而出列陣而待其勇敢不足多者然蠶場有此實爲幼蠶之大害又赤蟻體中含有蟻酸螫人腫痛

蟬 蟲之善鳴者四翅膜質透明雄者腹胸交界處有發音器狀如鼓膜有大筋肉連之收縮振動以發高聲幼蟲在土中吸樹根之汁液及出土登樹蛻皮成蟬仍以長吻穿入樹中吸其汁以爲生前人謂其吸風飲露爲廉潔代表者誤矣種類不一縣境所見者爲蟪蛄長小許腹下灰白背青綠色頭有斑紋鳴聲清圓如云烏友烏友者輒飛易其處俗名伏蛉 一種似蟬而小色青體長三四分生於草間鳴聲咨咨俗謂草蟬即麥蜚也

蜉蝣 長六七分頭似蜻蛉而小有四翅後翅甚小體細而狹尾毛有三

細長如絲夏秋之交多近水而飛數小時即死故有不知朝夕之說惟其幼蟲棲息水中捕食微蟲經二三年乃羽化爲成蟲

蜻蜓 六足四翼翅皆長而薄中有脈紋屬脈翅類幼蟲爲水蠹居水中二年乃出水生翅恒於日晡及將雨時羣飛空中捕食蝶蛾蚊蠅等害蟲有益農家有青黃數種青者較大名馬大頭多在水際棲止蓼花蘆蒲上黃者較小慣棲籬落間產卵時飛近水面類以尾點水杜詩所謂點水蜻蜓款款飛即生子也

螳螂 屬直翅類頭爲三角形複眼高突體頗長腹部肥大前胸延長如頸前肢變形爲斧有棘刺能捕食他蟲有益於農事越絕書螳臂當車越王下式敬其勇也一名天馬以其驤首奮臂頸長而身輕飛捷如馬

也又曰斧蟲以前二肢如斧也秋季產卵簇聚成房堅著枝莖謂之蟮
蛸一名螞蟥仲夏乃生但爲山蠶之害業蠶者必除之

蟋蟀 一名促織又名吟蛩全體黑色光滑如漆翼薄如紗尾歧爲二雌
者尾毛之間有產卵管一秋夜振翼作聲唧唧可聽性喜鬪宋賈似道
牛間堂鬪蟋蟀著有促織經又有竈馬狀如蟋蟀而大脚長好穴竈側
一名竈雞無翼而褐色身弱而易死其聲亦曰織織

蝥 爲蝗類之總名有阜蝥草蝥蜚蝥螫蝥土蝥五種 阜蝥體長寸許

有深灰色黃綠色數種前翅成革質稍能飛翔後脚腿節壯大便於跳
躍詩所謂趨趨阜蝥者也好食禾本科植物一名蚱蜢 草蝥 一名
負蝥詩作草蟲蝥蝥古字通也體長二寸許綠色間有黃褐色頭長向

前突出觸角甚長前翅倍長於體雌之尾端有產卵器頗長其鳴札札如織機聲俗稱織布娘捕食蟲類有益於農家 蜚螽詩作斯螽亦名螽斯一名蝻螞即一種大青蚱蜢股長而跳躍奮迅詩所謂斯螽動股者也前翅右下左上相重疊接合處成堅硬之發聲器故能作聲惟聲直而嘶不如叫哥哥之宏亮動聽耳 螿螽一名螿蚱體綠色或黃褐色無斑文頭銳而長向前突出有扁形多節之觸角一對後腳腿節頗長以指搦其二後腳其體上下不已飛時咨咨作聲雄者瘦小雌者長大其形如核俗呼梭螞蚱 土螽似蝗而小暗灰色通稱灰螞蚱頭短略方前胸長於腹部二倍後翅亦較前翅爲長善跳躍棲息草間食青嫩葉爾雅謂之蟻谿

莎雞 似蝗而色斑前翅硬直而色土黃後翅摺疊而色深紅率於六月中夕陽欲下振翼而飛往來上下索索作聲詩所謂莎雞振羽者也方旭蟲蒼謂莎雞卽俗所稱之紡織娘又名絡緯非是

絡緯娘 一名紡織娘又名促寒頭小羽大似蝗而小色青每於秋夜籬落間振羽作聲有上有下恰如紡絲聲故名諸書皆以莎雞當之不知莎雞羽下正赤於六月振羽絡緯體色純青於秋夜作聲李白詩絡緯秋啼金井闌顯然二物不能混合也

螻蛄 一名天螻俗呼地螻蛄穴土而居又名土狗體長寸餘褐色腰細如蜂前翅短小後翅較大常疊於背末端細長如尾前肢頗強利於掘地能鳴而跳躍晝常穴居土中夜出飛翔喜就燈火爲園蔬之害

蛻娘 甲蟲也與金龜子相似背有堅甲翅在甲下身黑如漆一名蛻蛻
一名轉丸一名弄丸俗名矢客郎喜羣聚搏糞爲丸或推或輓納於土
坎產卵其中莊子蛻蛻之智在於轉丸即此一種大者名胡蛻娘穿穴
獨居晝不出而夜出至人家庭戶中見燈光則飛來以頭有一角名獨
角將軍醫察取之

蝶 亦名蝴蝶爲各種蟲蠹羽化而成體小有四翅甚大色美麗上附各
色鱗片而成翅之紋彩故屬鱗翅類各蝶之形色大小不一喜飛翔花
間產黃色小卵於莖葉上成蛹後始化爲蝶種類甚繁有粉蝶黃蝶鳳
蝶等

蛾 亦屬鱗翅類與蝶極相似所異者體肥大觸角如羽形不爲棍棒狀

翅下面多美色上面帶灰白止時形如水平不疊合直立常以夜出不
爲晝飛此其區別也種類甚多蠶蛾而外凡草木等蟲以蛹化爲蛾者
甚繁

螢 一名螢火俗呼螢火蟲夜光照宵燭耀夜輝夜皆其別名屬鞘翅
類長三分許雄者體黃頭黑鞘翅柔軟點線密布雌者無翅狀略如蠶
即詩之宵行也尾端皆有發光器呼吸時空氣傳入生養化作用發綠
光頗美麗秋夜恒見之就水草產卵成蟲與幼蟲皆食種種害蟲於農
家有益

叩頭蟲 屬鞘翅類長者七八分全身黑褐色尾端稍細頭部環節甚強
以指壓其體則頭振動有聲幼蟲至細色黃食植物之根食盡一株更

移他株數年始化爲成蟲害麥類最甚晉傅咸有叩頭蟲賦唐盧延讓詩窗間膈膊叩頭蟲俗亦呼膈膊蟲

蜚蠊 俗稱樟螂爲廚竈間之害蟲體赤褐色觸角甚長雄者翅長逾體雌者較短行迅速觸之發惡臭滋生甚繁喜就溫處冬日室中數日不舉火則淨絕一種長大者頸有白文翅長逾體每夜出飛行

蛟蜻蛉 稍似蜻蛉頭細翅尤薄全體黑色觸角短小複眼甚大翅上有白粉常在夜間飛行幼蟲名沙梭子俗名沙鼈色灰黑形如蝨長四分許頭有二角能開合常於沙內造漏斗形之穴俟他蟲陷落以銳齒鉗之吸其體液兼能食蟻稱爲益蟲

象鼻蟲 頭小口吻延長如象鼻故名觸角在長吻之中央曲如腿彎前

翅角質腹部分爲五節幼蟲爲圓柱形乳白色頭褐色無脚爲森林果樹及穀類之大害種類甚多如蚌及豆象皆是

瓢蟲 種類甚多成蟲皆作半球形體長二三分翅鞘爲黃褐黑褐等色多有黑色或赤色斑點整列其上即以其數爲蟲名如七星十一星二十八星等瓢蟲之類其食蚜蟲介殼蟲者爲益蟲其傷害蔬果者爲害蟲

蠶 瓜中黃甲小蟲常在瓜葉上食葉而不食瓜故又名守瓜

金龜子 俗稱金蟲體長六七分金綠色背有甲六足種類甚多

浮塵子 屬半翅類形如小蟬種類不一色或綠或濃褐體長二分許頭部闊大嘴作管狀常插稻之莖葉中吸收汁液稻即枯萎

木蝨 即蚜蟲也屬半翅類種類極多有綠色赭色黑色諸種體形如蝨長半分許口吻作管狀刺入樹木之新芽嫩葉吸收其汁自肛門排出甘蜜以養幼蟲蟻羣聚舐食之繁殖之速爲蟲類冠極有害於植物

蠅 屬雙翅類有家蠅蒼蠅青蠅大麻蠅諸種而家蠅尤多生殖迅速夏日千百成羣爲吾人之大害

蝨 形態與蠅同而體較大口有棘刺雄四雌六刺螫畜類夏日尤甚最著者爲牛蝨花蝨食蝨等

蚊 亦屬雙翅類幼蟲爲汚水中之孑孓變形爲蚊如蛹之成蛾全體灰褐色喙爲細管雌者齧人肌膚吸收血液雄者專吸草木之汁一種色黑及豹脚者皆爲瘧疾之媒介縣境蚊類較小不甚爲害惟埠內較多

蚋 小蚊也形略似蜂長分許色黑胸背膨大如球翅透明而潤脚細長
脛節白吸螫哺乳動物之血

蠓 蚋屬一曰蠓蠓微細色白頭有絮毛將雨羣飛塞路一名浮塵子唐
元微之有詩言其物細若塵垢浮空上下啣人肌膚微不可見與稻之
害蟲名浮塵子者不同

以上爲有翅類

蠶 吐絲之蟲屬節肢動物昆蟲鱗翅蠶蛾類體分十二環節胸腹及尾
有足八對種類甚多以桑蠶柞蠶爲盛桑蠶飼以桑葉畜於家中一名
家蠶體色純白或兼黑紋近年盛行植桑育者漸多柞蠶食柞櫟青櫚
等葉放於山中一名山蠶體色黃綠有金點氣孔而多瘤瘤各有毫春

秋二化縣境山地無不有之爲實業大宗

天牛 長寸許灰褐色觸角長於體爲蠶之害蟲一種狀與相似全體色黑有白點觸角短黑白相間謂之齧桑亦稱桑牛二蟲齧物以顛常食桑樹外皮及嫩芽或至齧斷細枝

尺蠖 體長二三尺首尾相就屈伸而行種類甚繁以桑尺蠖爲最著全體灰色夏間居桑樹食其嫩芽

粘蠍 蛾類幼蟲種類甚多桑榆松柞等樹皆有之體長寸餘色灰褐黃黑不等每節有肉質隆起由此簇生長毛有酸性之毒觸之致痛俗稱毛蟲爲樹木之害

蚰蜒 體細長多足類蜈蚣而小有黑黃紅綠諸色多在陰溫之地形惡

有毒人見輒斃之

蠼螋 一名蓑衣蟲俗呼草鞋底常在壁間板下陰濕之處色暗黃有黑斑脚細長共十五對最後一對尤長能疾行夜出捕食昆蟲近人時每放毒液肌肉中之則生炮人見輒斃之辭源卽蚰蜒誤

馬陸 長寸許多足與蚰蜒異體成圓柱形暗褐色多環節每節有脚二對無毒核短觸角甚多棲於濕地性喜食蔬及腐敗物質發惡臭觸之則蜷曲成螺旋狀

蜘蛛 節足動物體分頭胸部腹部腰極細雌者腹大於頭胸胸部有脚四對肛門前有瘤狀突起爲紡織腺每於檐端屋角抽絲織網以捕飛蟲而食之王安石字說謂蜘蛛設一面之網物觸而後誅知乎誅義者

故蜘蛛從知蛛從誅

蠨蛸 爾雅疏小蜘蛛長脚者一名長踦體長四五分脚長而細如絲結網但有經線與蜘蛛網有別詩東山云蠨蛸在戶即此每於空中拖絲而下著人衣上以謂有喜樂之瑞因呼爲喜蛛或呼爲喜子

壁錢 蜘蛛類體扁平黑褐色抽絲作白幕於壁間形圓如錢伏處其中故名一名壁螿能捕蠅

蠅虎 蜘蛛之屬大三四分白色或灰無網絡善跳躍徘徊牆壁間伺蠅而捕之故名

螿蟄 蜘蛛類爾雅稱土蜘蛛體橢圓褐色好穴土爲管狀之巢巢有蓋蓋有鉸鏈狀之物合之無縫表面被以青苔與地一色他蟲行過掩而

捕之入則復閉一名顛當秦中兒童戲曰顛當顛當牢守門蠨螋寇汝無處奔

蚰蟥 形如蠅虎身有赤斑在孔穴中及草木稠密處作網如蠶絲爲幕絡伺蠅蚋觸網則出擒食之又有草蜘蛛身小色青結網草上山蜘蛛體圓而長身備五色絲黃而粗不復作網但密布林間以捕飛蟲而食之

蟻螞 金龜子之幼蟲生於田園敗草糞土中長寸許體白色首赤尾黑脚長有微毛以背滾行其速逾脚齧食園蔬田禾之根爲害頗巨

螟蛉 種類甚多最著者爲粉蝶之幼蟲長寸許色青俗稱青蟲有褐色斑紋散布全身脚八對常在油茶蕪菁菜菔等菜葉上食葉成長吐絲

作繭化爲粉蝶其害稻者亦青色脚祇六對行類尺蠖捲稻葉作三角形成蛹其中後化爲蛾詩螟蛉有子螺贏負之實取小蟲以飼其子非養以爲子也

螟蟻蝥賊 食心曰螟食葉曰蟻食根曰蝥食節曰賊皆害禾稼之蟲也
地蠶 種類頗多體長寸餘形如蠶有灰黃深黃等色背上各節大都有二黑紋作八字形蝕麥類玉蜀黍等之葉觸之作環狀落地僞死其蛾喜飛集燈火

鼠負 爾雅蟠鼠負即鼠婦也體青灰色形扁而橢圓長三四分胸部分七節有等長之脚恒居濕地如甕底磚縫等處舊稱伊威非

伊威 似鼠婦而絕大穹脊長鬚頭類竈雞四足兩股生空屋中詩所謂

伊威在室也舊稱即鼠婦非

牀蝨 體圓而扁平赤褐色周緣簇生粗毛日棲暗處夜出吸人血體有臭液俗稱臭蟲滋生極繁城市旅店幾無處無之舊名壁蝨今以壁蝨屬蜘蛛類即八脚棲息林叢或寄生犬馬皮膚中吸其血液間以寄生人體

蓋蚤 形小赤褐色前後股退化作鱗片狀雌大雄小六足善躍口器發達慣入人衣被中及貓犬之體而吸食其血夏月濕地塵土中最多

以上節肢多足類

蚯蚓 蠕形動物俗名曲蟪又名土龍體圓而細長有環節甚多紫黑色近前端處有白色肉帶平廣無節名曰環帶腹面列生小刺後向以防

體之退後而助其前進雌雄同體常吞食泥土穿地爲穴能使土疏鬆流通空氣植物易於成長爲農家間接之益

水蛭 產於池溝之溜水中體黃褐色有黑線形略似蚯蚓輪紋甚多口腔有緣三片如鋸齒好吸附人畜肌膚而吮其血大者謂之馬蛭俗稱馬蟻

以上環蟲類

動物之入藥者

牛黃 多於病牛肝膽中得之狀如雞子黃投於水則硬生得者佳凡牛有黃輒出入嗚吼用火烘之置水於前令不得飲則黃自吐出爲藥中最貴之品味苦氣香主治驚癇清心熱去痰積定魄安魂療小兒百病

蜂蜜 蜜蜂採取花中甘液所釀成味甘平生涼熟溫主心腹邪氣益氣

補中潤燥解毒除諸病和百藥

斑蝥 屬鞘翅類長五六分至寸許多生豆葉上甲作紫綠色帶金屬光
澤喜飛行人前性毒破血通經諸瘡癩癰用糯米同炒去斑蝥用米研
細清油少許冷水調服治瘋狗傷小便利下毒物而瘡利後腹痛冷水
青靛解之見玉楸藥解

水蛭 性喜食血主逐惡血瘀血通經破血去積聚利水道西醫用以去
毒血

地鼈 一名蜃蟲俗稱土鼈大者寸許前狹後潤頭小六足背有橫紋錯
起多生陰濕鹽寒疏利消癥破瘀兼補損傷續筋骨

桑螵蛸 螳螂所生之子也一名螞蟥長寸許大如拇指黏附桑樹者良

故名主補益腎氣疏通膀胱養血逐瘀治遺精失溺疝瘕腰痛

牡蠣粉 火煨牡蠣之殼研細爲粉主潛精止汗除崩帶祛積痰調雞子

白塗惡瘡良

鼈甲 鼈之背殼也味鹹氣腥破癥瘕消凝瘀排膿血

猬皮 苦平治腸風瀉血五痔煨黑存性油調傅水服亦佳

學道者若平昔便識此正教則無存於前而亦無有動

於中者謂之肯心也無端及聞新教則驚愕時疑道

不白幸遇明師以正教示之則其疑盡去而肯心自生

其教傳之夫此所謂之受補味也得才德俱立者則應帶如懸珠而道于

道中者則其教深矣但聞此教則其教深矣但聞此教則其教深矣

夫此所謂之受補味也得才德俱立者則應帶如懸珠而道于

(乙) 植物

麥類

小麥 即詩之所謂來又作秣爾雅小麥秣廣雅來小麥也本草麥從來從久來象其實久象其根苗初生如韭長成似稻高二三尺實居殼中生青熟黃製造麵粉爲用甚廣安東種者極少

大麥 即詩之所謂牟爾雅大麥粦廣雅牟大麥也本草麥也苗粒大於來故得大名牟亦大也莖葉與小麥相似但莖微粗葉微大殼與粒相黏未易脫安東皆春種夏穫即以其地種萊菔或蕎麥多爲燒鍋收買備踏麩之用間有炒焦磨麩而食者俗名炒麩冬季有生芽和他穀作錫糖者

蕎麥 一名烏麥 一名莖麥 一名花麥 伏種 秋收 莖色青紅 葉爲三角形 有長柄 互生 花小而白 列爲圓錐 花序實有三稜 嫩青老黑 去其殼可磨作麵 但色黑而膩 性寒遠遜於小麥 多爲朝鮮人所購買 爲合漏麵之用

穀類

粟 古爲稗 穀之總名 又以梁粟連稱 謂梁爲粟之稍大者 古稱黃粱 今俗通名爲穀子 脫穀通稱小米 其禾稗則曰穀草 爲飼牲畜之用 種色甚夥 有宜早宜晚之分 安東土質不宜於粟種者亦稀

蜀黍 一名蜀秫 種自蜀來 故以蜀名 其黏者近秫 故借名爲秫 之名 高粱赤粱屬 高且大也 一名木稷 疏證今之高粱 古之稷也 秦漢以來誤

以梁爲稷而高粱遂名木稷矣王楨農書云蜀黍一名高粱一名木稷一名藿梁色有紅白穗有鬆緊之別一種穗緊高僅二尺許出糧頗多遼河流域最宜安東種者較少除少數食用外多用以釀酒

黏蜀黍 俗名黏高粱一種殼黃一種殼黑與蜀黍無異但性黏米多用以製糕亦可釀酒

苕帚黍 俗名苕帚糜子與黏蜀黍相類莖細而高穗長而垂粒甚稀疏可以爲帚

玉蜀黍 俗名包米一名玉高粱一名戎麥又名御麥幹葉與蜀黍相類但肥而矮苗心直上開花成穗節間別出一苞子粒顆顆攢簇有黃白紅三色黏與不黏二種安東土質最宜玉蜀黍爲農產大宗居民主要

食品亦可製澱粉及釀酒造糖之用

黍 黍者暑也待暑而生暑後乃成也一名秬一名秠俗名糜子有黃白
黎三色米較粟微大而色黃呼爲大黃米性黏味甘可以釀酒作飯製
糕及飴糖安東之黍以產於靉河尖大河厓等處者良

稷 即黍之不黏者晚種早熟古謂稷即稷與新字曲謂高粱爲稷者歧
秫 俗名黏穀其稈赤其禾葉亦微紅其米粒小如俗所謂小米但黏甚
色黃俗謂小黃米可以釀酒作飯製糕爾雅謂之衆亦謂之秫禮秫稻
必齊言釀黃酒也與今俗合與赤粱粟之所謂糜者異

稗 本草稗乃禾之賤者故字從卑陳藏器曰稗有二種一黃白色一紫
黑色北人呼爲烏禾爾雅稗與稊二物也皆有米而細小粒色白味微

苦每斗出米二升宜下濕地近江河之區種者較多

稻（顏注急就篇）稻者有芒之穀總名也爾雅言稌稻周頌周禮言稌他經多言稻今江南呼稻之黏者爲稌次黏者爲秔不黏者爲秈而俗概稱爲秈子有水種旱種兩大區別縣境多水稻據水利局所查現有三萬八千八百四十餘畝所產之米味頗香美較南方及他處者爲佳價亦較昂

胡麻 一名苳藤即脂麻也俗呼芝麻以種出大宛故名胡麻莖方花白子可作油俗呼香油調味熬膏多用之有黑白二種黑者尤良可爲糕點之用

菽類

大豆 爾雅總謂之菽曰荏菽曰戎菽亦皆言其大也今有黃青黑白褐斑諸色惟青者俗名大青豆白者爲大白眉黃者爲小金黃種者尤多可以製腐生芽造醬榨油以佐食而榨油爲用尤多銷路甚廣縣境無處不宜豆實爲農產之大宗

小豆 爾雅總謂之荅說文荅小未也廣雅云小豆荅也有黧斑白赤黃黑數種惟赤者入藥皆可爲飯豆餠豆及製粉踏麴之用

綠豆 俗作菘豆莖高尺餘葉有毛秋開小黃花結莢細長而圓實小而深綠者爲上粒潤而淡綠者次之以爲食品漬水中生芽可以爲蔬又可製糕點製線粉煮湯食之清熱解毒

豌豆 本草綱目豌豆一名胡豆即爾雅之荏菽也疏戎菽一名荏菽郭

云今之胡豆是也。暖地秋季下種，安東地寒皆春季下種。苗生柔弱如蔓，有鬚葉兩兩對生，花小如蝶形，淡紫色。結莢長寸許，子圓如藥丸。將熟時作羹食之，尤佳。

雲豆 相傳種自雲南來，故名。有數種，多蔓生子，有黑白赤斑諸色。一種不蔓生，結莢最早，俗名土墩豆。一種莖葉淡黃，至秋涼結莢，愈盛俗呼**秋雲豆**，實圓大而有斑，莢肥厚而不老，味最鮮美。農家各種皆種之，爲夏季蔬食之大宗。

菘豆 本草綱目菘本作扁莢形，扁也。俗呼眉豆，莢形似眉也。蔓生，籬落間葉團而有細毛，花狀如蝶，莢凡十餘種，或長或團，或如龍爪、虎爪，或如猪耳、刀鏟。種種不同，皆纍纍成枝，白露後實更繁衍，嫩時可與莢同。

食子有黑白赤斑四色惟子疏圓色白者入藥

角豆 卽裾帶豆蔓生莢長俗呼菜豆可以爲蔬故名種類不一有青紫

斑白淡綠淡黃各色莢有長短肥瘦之不同炒食煮食醃食皆佳

刀豆 拾遺記樂浪之東有融澤生挾劍豆其莢形似人挾劍橫斜而生

羣芳譜謂挾劍豆卽刀豆按刀豆蔓生莢寬長如刀宜煮熟醃食

蔬類

韭 說文一種而久生故謂之韭叢生豐本長葉青翠形狹而厚葉長三

寸堪翦歲可三四翦味辛性溫補散瘀解毒春初最美周顒所謂春初

早韭也秋開小白花可以造醬子黑入藥別有寬葉一種味較甜冬日

培於窖中者色黃名韭黃最鮮美多自天津輸入本境尙無以窖培植

者

蔥 葉爲管狀形圓而長中空末銳色綠味辛地下莖色白根狀如鬚清異綠云蔥名和事草言用以調和衆味若藥劑中多用甘草以和解之也食用藥用爲用甚廣農家園中均植之忌與蜜棗同食若和蜜敷毒瘡其效如神

蒜 大者名葫本草綱目弘景曰今人謂葫爲大蒜蒜爲小蒜時珍曰按孫愐唐韻云張騫使西城始得大蒜葫茖則小蒜乃中土舊有而大蒜出胡地故有胡名謂長而有微稜夏初苗心抽臺可食地下鱗莖大者皮紫分瓣極大味辛解毒土人恒食之小者皮白瓣小無瓣者名獨頭蒜兼可入藥忌蜜

按韭蔥蒜三物氣味皆辛葷入氣分生食則呼氣薰臭難與人近故道家以爲葷菜講衛生者皆忌之

芹 爾雅芹楚葵注水芹也詩言采其芹薄采其芹皆指此呂覽本味菜之美者雲夢之芹按芹有水旱兩種今之生於山間者即旱芹種於園圃者皆水芹葉對節而生莖有節稜而中空其氣芳香炒而食之清芬脆美實菜中之佳品烹飪時用少許代蔥以和味最佳

菘 埤雅菘性隆冬不凋有松之操故名菘本草綱目云今俗謂之白菜其色青白也有數種莖寬而厚葉黃多縐層層包裹爲圓柱形者曰黃芽白莖狹而長葉青扁平而分疏者曰箭桿白箭桿白春秋皆可種黃芽白惟宜秋種肥大而嫩所謂秋末晚菘也藏於窖內經冬至春歷久

不壞生熟食皆佳土人喜於秋冬之際取菘煮而熟之俟冷密置缸中澆以涼水漬之使酸名爲酸菜亦可久藏

甘藍 本西方種傳入我國已久其品種有球葉球莖球花綠葉四大類本境種者多球葉類初長時葉平滑寬厚而分披漸長則層層包裹成球形性似白菜脆嫩鮮美則不及俗呼爲洋白菜僅城廂園圃中有之

菠薐 本草一名菠菜一名波斯菜一名赤根菜嘉話錄菠薐種出自西國有僧將其子來云本是頗陵國之種語訛爲菠薐耳唐會要云太宗時尼波羅國獻菠薐菜類紅藍火熟之能益食味莖柔脆中空葉綠膩柔厚味頗清腴嫩時以爲常蔬根長數寸大如桔梗色赤味甘有大葉小葉二種秋種者經冬不死至春先發莖高大而嫩起臺亦晚春種者

長數寸即起臺而老結實有刺狀如蒺藜

蘆葵 本草綱目葫葵一名蘆葵涼乃莖葉布散之貌相傳張騫自西域得種歸俗名香菜莖青而柔葉細而碎根軟多鬚幸溫香竄可通心脾宜發豆疹嫩時多取其葉調食莖高者炒食香美四時皆有冬季與菠菜均可窖藏新鮮不枯五月收子如大麻子亦辛香

同蒿 以形氣似蒿故名花黃如小菊春秋皆有種莖易老嫩時可食

萵苣 清異錄云名千金菜曷國使者來隋人求得菜種酬之甚厚故名俗呼生菜以但可生食故名葉由根生者尖濶而皺由莖生者爲心臟形皆無柄抱莖莖高尺許去皮生食味清脆如胡瓜土人食葉者居多

萊菔 爾雅釋草葵蘆葩注葩宜作菔邢疏蘆菔今謂之蘿蔔埤雅蘆菔

一名萊菔又名來服以其能解麥毒爲來牟之所服也有長圓大小各種紅黃白青紫各色本境春夏間種者皮紅有圓球圓錐二種俗呼水蘿當可作涼菜或生食夏秋間種者多青皮粗圓而大俗呼大蘿蔔生熟醃皆可食爲秋季出產大宗近有一種沙蘿蔔皮白根長尺許但可醃食日本朝鮮人喜購之

按萊菔味甘屬土生食升氣熟食降氣寬中化痰散瘀消食蔬之最有益者子可入藥名萊菔子

胡蘿蔔 元時始自胡地來故名形如圓錐根色內外赤黃但可醃食種者稀少

芥菜 有數種青芥似菘而有柔毛大芥大葉皺紋色尤深綠味更辛辣

俗以爲芋芥馬芥葉如青芥俗以爲癡芥花芥葉多缺刻如蘿蔔英根
莖葉皆可充蔬經霜後多醃藏者白芥子可入藥餘芥子研末皆爲涼
菜之辣料

茄子 本草綱目茄一名落蘇本作酪酥別名昆侖紫瓜見酉陽雜俎夏
秋開紫花五瓣相連黃蕊綠蒂蒂包其茄茄中有瓢子如脂麻形有長
圓橢圓二種色有青白紫三種渤海茄白色而堅番茄甘脆不澁生熟
可食紫茄色紫味甘本境所種有長圓二種皆紫色

番椒 俗名辣椒茄類實甚辣種類不一夏開白花葉柄甚長一種結實
長如拇指而有尖色赤而有光土人名羊角椒味極辣一種圓扁有梭
狀如小柿俗名柿子椒色青時味不甚辣種者極多

馬鈴薯 地下生塊莖狀如馬鈴故名俗呼地豆種類極多本境種者有紅黃二種黃者爲桃形種味較佳紅者爲紐約種味較遜然塊莖特大種者尤多栽培時種薯大者以刀割之撒之燒灰勿使其汁外洩種之特茂抽花時宜盡摘去花梗免分其力則地下莖碩大而繁說見園藝學試之果驗

馬齒莧 葉如馬齒故名爾雅釋草蕒赤莧注今之莧赤莖者不待種而生本草一名五行菜以其葉青莖赤花黃根白子黑也今鮮食者子入藥

紅薯 本名甘藷一名荷蘭薯以種傳自荷蘭地俗名地瓜蔓生莖葉皆紫褐色花似牽牛而小色紫不常見地下塊莖橢圓皮紫肉紅味甘故

名紅薯又有灰白淡紅二種味淡可充糗糧煮食燒食炒食均宜補腎健脾益氣強陰功同山藥近來本境種者漸多

芋 本作芡說文芡大葉實根駭人故謂之芋也凡于聲多訓大芋之爲物葉大根實二者皆堪駭人故名本草綱目一名蹲鴟種類甚多苗並相似葉柄肥大葉略似荷葉而長一端有大缺刻地下球莖類薯蕷而圓富有養分可煮啖之

山藥 原名薯蕷唐代宗諱豫改名薯藥宋英宗諱曙改名山藥見負暄雜錄蔓生紫莖綠葉葉有三尖五六月開花成穗色淡紅結莢成簇莢凡三稜合成堅而無仁別生子葉腋間狀如雷丸大小不一名零餘子亦可食其地下根長數尺皮色土黃肉肥白煮食甘滑益氣力長肌肉

除邪氣一種傳自日本根特肥大味較遜俗呼洋山藥間有種植者其藥用者根極堅實產河南及南方山中

以上皆園蔬

百合 多年生草多栽園圃中高二三尺葉短而潤微似竹葉互生夏日開花色白四垂香氣四溢頗可觀賞地下鱗莖肥美可食兼入藥品專爲收穫鱗莖計者宜於未花時摘取花梗乃得肥大

蕨 地下莖甚長初生如蒜苗無葉莖色青紫端似鼈脚故名又似小兒拳滑美食老則其端散爲三枝發數葉寬展如雉尾不可食矣葉背子囊叢聚植物分類學列羊齒門山間生長甚多

薇 爾雅釋草薇垂水詩草蟲言采其薇陸蔬山菜也按山厓水濱皆生

之即野豌豆也葉有二種一爲綠色差類蕨菜一爲褐色形細長其上
著生多數胞子囊「嫩時可食博物學曰薇屬隱花植物生山中葉如
紫藤厚而不尖春時發生新芽可供食用莖及根可製小粉

苦蕒 苦菜也詩之誰謂荼苦薄言菜芑皆指是物禮記月令孟夏之月
苦菜秀顏氏家訓葉似苦苣而細斷之有白汁俗呼曲馬菜即苦蕒聲
之誤也本草稍葉似鶴嘴故名老鶴菜

地膚 爾雅名王葍本草作地膚苗嫩時可茹俗呼爲掃帚菜一科數十
枝攢簇團團直上老可作帚子可入藥名地膚子

芣苢 俗名車轂輪菜卽車前草也幽州人謂之牛舌草可嚙作茹大葉
長穗好生道邊詩周南采芣芣苢陸機疏云馬舄一名車前一名當道

喜在牛跡中生故曰車前當道也葉自地下莖叢生常有五筋夏日抽長穗開小花結子入藥名車前子

貫衆 葉尖細一莖而衆葉貫之故名又名鳳尾草庶物異名疏貫衆一名渠母隱花羊齒類生陰濕地葉形微類蕨惟葉緣有鋸齒甚多子囊位置亦異嫩時莖葉可茹俗呼廣東葉即貫衆聲之誤也地下莖常用爲藥

灰藿 一曰藜一曰萊莖有紅縷葉青背白葉心有白粉俗呼灰菜莖可爲杖葉並可茹古有蒸藜不熟出妻事大戴禮曾子制言聚橡栗藜藿而食之注藿之史記太史公自序藜藿之羹今食之者鮮矣

把藿 葉類蘇而小氣味亦同連根叢生嫩時葉可茹七八月可採以燒

醬其味甚長

薺 有大小數種小薺葉花莖扁味美其最細小者名沙薺大薺科葉皆大而味不及春初掘其宿根並葉蒸食甘美詩谷風其甘如薺即此初夏起莖開細白花整整如一結莢扁平作三角形

黃瓜菜 葉尖長多鋸齒氣味如黃瓜故名

黃花菜 即萱草也一名忘憂一名療愁一名宜男宜下濕地莖無附枝繁萼攢連葉四垂花初發如黃鵠嘴未開時如玉簪而小色黃如黃搔頭氣味清香亦名金簪菜

紅花菜 即山丹花蕊未開時可作菜

山薺 葉似韭而小味辛根如小蒜生田原間爾雅謂之薺俗名小根菜

山蒜 葉細長有稜夏開球形小花色淡紫根如百合而小

山蔥 爾雅謂之茗注曰茗蔥細莖大葉李時珍云茗蔥野蔥也山原平地皆有之

杏葉茶 茶橢圓似杏葉即桔梗苗

山菠菜 葉裏紫外青

酸漿 似羊蹄而葉細根紅漿酸小兒喜食

龍芽 有二種一曰樹龍芽葉似椿而大初長刺條來年於頂上吐芽探爲茹其條便枯俗呼刺嫩芽味甘美一曰地龍芽即升麻苗葉亦相似

以上山野之蔬

藕 本作薄說文芙蕖根段氏曰夫蕖花實之莖必偕葉一莖同出似有

耦然故名按藕爲荷之地下莖橫臥泥土中如竹行鞭色白而肥甘脆可食中有管狀之孔斷之有絲

勃臍 爾雅名鳧茈根如芋而色烏鳧喜食之故名後遂訛爲鳧茨又訛爲勃臍俗又作葶薺讀爲必齊音土人或呼爲地栗子生淺水中一莖直上無枝葉狀如龍鬚高二三尺根白莖秋後結顆大如山查栗子而臍有聚毛累累下生於泥底

以上水中之蔬

菌 音君上聲說文地蕈也爲蘑菇之總名生於地者也

蕈 音尋上聲說文桑蕈也爲木耳之總名生於木者也按字書原無蘑菇字亦不作是解呼菌爲蘑菇不知所自始今以通俗計姑沿用之

白蘑 初生色白莖高柔嫩如雞肉俗名雞腿蘑菇可鮮食上有白點者最毒不可食

黃蘑 皮褐色而裏裏皆黃性黏滑俗呼黏蛾去皮及裏裏鮮食乾食皆可

青蓋蘑 裏裏皆白而頂色青綠故名鮮食最美

掃帚蘑 色黃而微紅形散碎如掃帚故名

松蘑 生松林中色紫形如傘俗名松傘蘑

榛蘑 生榛科下頂褐色而裏灰白莖高細狀如小傘味稍厚鮮食最美

柳蘑 春日生叢柳中色白食者多中毒

以上菌類之附疏者

瓜類

甜瓜 種類甚繁形色各異統分爲黃白綠三種俗名香瓜熟時芳香可
以鼻選或以指彈種者甚多

西瓜 皮有深淺碧黃白諸色瓤有深淺紅黃白諸色形皆圓食之醒酒
解暑種來西城燉煌之瓜州故名西瓜本境種者尙少多自他境輸入
黃瓜 原名胡瓜北人因石勒時避言胡改名黃瓜嫩時皮有青與淡綠
二色老則皮色皆黃

越瓜 種來自越一名稍瓜皮青長尺餘觶然如角短者名菜瓜醃食煮
食皆可脆者名脆瓜去皮切片和以糖醋食之清脆

倭瓜 種出自倭又名東瓜皮老生自然白粉又名白瓜有解雅片毒力

南瓜 蔓延數丈形如甜瓜而扁熟時色紅肉黃皮極堅硬可作小瓢

玉瓜 長者或至數尺圓者小如倭瓜皮色如玉故名

番瓜 種有遲早實有大小色有青黃赤白棱則或有或無皮則或光或

癩形則有扁有圓有下圓上銳長頭大腹諸狀亦有如枕者莖葉似南
瓜早者七月已熟晚者九月熟

攪瓜 形類倭瓜而小嫩時可煮食蒸食老則內生筋絲可醬醃作菜食
時以筯攪絲出如縷切者

絲瓜 一名天羅絮又名布瓜莖細長有捲鬚葉掌狀分裂夏日開黃花
實長者至一二尺狀大蛇嫩時可炒食老則圓縮盡成纖維故有絲名
以作拭巾擦器皿藉鞞履之用六月菜葉去毛陰乾爲細末治湯火刀

石傷無斑痕老者皮筋子燒存性研調服治乳癰惡瘡

苦瓜 本草綱目原出南番五月下子生苗引蔓莖葉捲鬚並如葡萄而
小七八月開小黃花結瓜長四五寸短者二三寸青皮上痲癩如癩及
荔支殼狀熟則黃色自裂內有紅瓢裹子味甘可食盛京通志名錦荔
支一統志一名癩葡萄俗名癩瓜

瓠瓜 卽壺盧也一名瓠瓜古訓初無分別今以長粗如枕形者爲瓠長
柄大腹者爲匏剖之爲瓢小而無長柄者爲壺一曰壺盧或作胡盧其
兩頭圓大而腰細者爲藥壺盧土人呼爲壓腰胡盧小而扁者爲油壺
盧惟瓠匏可食人以充蔬詩豳風八月斷壺卽此餘皆以充用或充玩
具其大小又可以人工造之

果類

杏 本境山多杏實小味酸大而甘者尙少近年園藝初興漸有嘉種矣
桃 種類甚多然皆自生者熟時較晚名秋桃近年人工移植嫁接佳種
漸多一種名仙人桃樹小實大可以盆植

李 種類不一大別爲合核離核無核三種色爲黃紫紅綠各種本境種
者較少果園中有沙糖金黃桃李數種

蘋果 種類不一多自煙臺日本美國輸入近年縣境果園漸多廣事移
植約十餘種已有結實者將來必爲出產大宗

山櫻桃 爾雅謂之常棣有紅白二種本生山中今園中多有之子小如
櫻桃而多毛間居賦云梅杏郁棣之屬李善注棣山櫻桃也漿少味酸

不及朱櫻之美近年果園漸闕已有朱櫻矣

梨 種類甚多自生者實小皮肉皆粗味多酸澀謂之山梨有凍梨尖把酸諸名境內實多此種近年果園盛行由人工移接者實多佳種焉

棠梨 爾雅杜甘棠注今之杜梨疏赤色者名赤棠白色者亦名棠詩召南甘棠疏今棠梨色白少酢滑美赤棠澀而無味據此則白爲甘棠赤爲杜按境內棠梨似梨而小色褐味甘

普盤 爾雅謂之薦即木莓也葉橢圓莖多刺蔓生實如桑椹而扁色紅味甘酸可食俗呼普泊頭

葡萄 山產者實小色紫味酸園產者實大而味甘有紫碧圓長之別本境土質氣候最宜葡萄近年種植者漸多

山定子 葉似稠李實小而圓柄極長熟時蜜餞可食嫩皮可染黃色

榲桲 果實似榧外皮有毛多凹凸甘酸可食盛京通志俗呼溫普

郁李 爾雅謂之棠棣今多生山原間叢生高二尺餘葉似李實如櫻桃
味酸澀仁入藥俗呼歐李

無花果 一名木饅頭不花而實生於枝葉間性好溫暖氣候多生南方
熱帶地本境較寒多以盆植冬須窖藏

山楂 字亦作查俗名酸楂有葉鋸齒夏開小白花實大生青熟紅甘酸
可食入藥名楂肉

山裏紅 葉小於山查而薄枝多刺實紅似山查而小山間自生者甚多
其本可接山查

山核桃 其樹亦楸屬俗名核桃楸實如核桃而長殼堅厚首尾有尖肉
味次於核桃山間多有之

栗 葉如箭鏃周生鋸齒夏開黃白花成長穗者爲雄花雌花二三生於
穗本實有房苞生多刺如蝟大者如拳容實三四小者若桃李實惟一
二霜降乃熟自裂而出種類頗多

榛 叢生葉潤而圓有細齒開花成穗實作苞一苞一實似栗而小仁甘
美可食

燈籠果 草本葉橢圓實垂絳囊中含赤子如朱櫻俗名紅姑娘食之明
目味苦而美於回亦諫果之亞也

軟棗 本草以左思賦君遷爲軟棗一名丁香柿其形如柿實小而長今

境內所產草本蔓生葉橢圓子似南棗色綠味甘霜降時可食

以上果實之在陸者

蓮 爾雅荷芙蕖其實蓮注蓮謂房也俗呼蓮蓬其實蒨俗呼蓮子有紅

白二種花紅者蓮多藕少花白者蓮少藕佳境內白者少

菱 或作菱菱本草綱目三角四角者爲菱兩角者爲菱落水中最易生

發有野菱家菱皆蔓延引葉浮水上扁而有尖莖如蝦股夏開小白花
野菱角硬直刺人嫩青老黑嫩時剝食甘美老則蒸煮食之家菱種於
陂塘葉實俱大角軟而脆亦有兩角彎轉如弓形者老則殼黑而墜謂
之烏菱俗總謂之菱角

芡實 說文云雞頭也花莖及葉皆有刺葉大而圓平貼水面面青背紫

夏日莖端開花實外包有芒刺狀如雞頭中有米如栗而小去其殼可蒸曝作粉亦可入藥

以上果實之在水者

花類

分草本木本及種來自外而久傳根者

芍藥 韓傳云離草也董子云勺藥一名將離古人將別贈之春生紅芽作叢莖上三枝五葉似牡丹而狹長高一二尺夏初開花一曰婪尾春以其殿春而開有紅白赤紫數種本境野生者花白色單瓣移置園中則變紅色重瓣皆赤芍也秋時移植則花茂花謝後亟須翦去其子根入藥名赤芍

金盞

俗名大金盞莖高尺許葉長橢圓形花黃如盞秋深猶茂

玉簪 葉大縱埋中拔莖頂上左右互出數白蕊俗呼玉簪棒未開時似玉搔頭故名花開外捲如捲丹形清香遠聞一名白鶴仙喜陰濕地移植時忌用鐵器境內多盆植一種莖葉花蕊均似玉簪惟花小色紫香亦遜之生水邊一名山玉簪俗名河白菜

百合 見園藝類

山丹 形類百合惟葉似柳花紅不垂無球芽一名紅百合其未開者乾之爲紅花菜野生者莖花俱小移植園中則大

卷丹 高於山丹先結球芽枝葉間入秋開花於頂六出四垂色紅黃有黑斑根如百合可充蔬

鳳仙 以花形如鳳故名俗名家桃花有紫白紅粉各色紅者可染指甲

俗又名指甲花一種莖短聚開大朵於莖頂名佛頂珠

雞冠 葉狹長花形如雞冠花開於莖類諸色俱備莖高數尺短者名壽

星雞冠其子入藥名青葙子一名草決明

馬纓 花如絨一名合歡其葉晝舒夜捲

藍雀 不種自生莖逐節對生葉長如柳開小藍花略似小雀張兩翼故名

牽牛花 蔓生花色不一形如喇叭俗呼喇叭花子入藥即黑丑白丑亦

曰牽牛子葉搗敷脚氣甚驗

蝴蝶花 莖葉花似藍雀有藍紫諸色花心勾屈瓣如蝶翅

魚兒牡丹 多年生草葉類牡丹一莖綴花十餘朵纍纍相比形如魚貫

故名又絕類緋色小荷包蕊亦如穗俗呼荷包花一名荷包牡丹

牽枝牡丹 花淡紅色蔓生俗呼串枝蓮

瞿麥 亦作蘧麥山野自生高一二尺有節葉細長而尖對生花每兩朵
叢生萼爲管狀有苞如鱗片花五瓣色淡紅或白上部深裂如絲結實
如燕麥入藥

石竹 多年生草莖高尺餘葉細長而尖對生花有重瓣單瓣生頂上其
色不一頗類瞿麥惟花瓣上部分裂甚淺花下之苞較長而尖故易辨
別斌媚可愛多植於庭園

蓼花 詩之游龍爾雅曰葑曰龍古大者曰藟陸璣云藟一名蓼今謂之
水紅花本草馬蓼每葉中間有黑點一名墨記草水蓼生於水旁穗短

色淡葉狹是謂虞蓼一曰辣蓼馬蓼穗長色淡多生下濕地子與粉均入藥取紅蓼花搗敷患疔積小兒背立愈

萱花 本作蕙或作蕤俗作護一名宜男似鹿蔥而葉小花色不一惟黃者清香可以忘憂故一名忘憂草喜生陰地詩焉得諼草言樹之背是也莖無附枝繁萼攢連花初發如黃鵠嘴開則六出爲黃花菜

晚香玉葉莖花均似萱花惟花色潔白如玉花時多盆植房中香氣馥郁清雅宜人

素馨 生郊原有黃白二色白者團而小香勝茉莉

蜀葵 花色不一俗呼蜀菊花通志作香菊花紫者可染色紅白者可治痢疾一種

莖短花小而單者名錦葵爾雅謂之苡花大如五銖錢色粉紅有紫縷

俗呼小蜀菊

葵花 卽向日蓮葵高可五六尺頂作黃花大如盤孟向日而轉俗名轉日蓮子可食

江西臘 花似菊而瓣甚短色亦不一枝頗搖曳

秋海棠 喜生牆陰溼地葉綠而脈紅至秋開粉紅花嬌豔異常花謝卽剪其子來年花發葉稀而盛

菊 陸佃埤雅云菊本作鞠從鞠鞠窮也月令九月鞠有黃華華事至此而窮盡故謂之鞠品類甚多諸色俱備以黃白二色爲正近年自日本傳入多佳種廣辦細辦均極可愛培植者以公園爲最多

旋覆花 爾雅謂之盜庚一名金沸草花色深黃如小菊俗名六月菊入

藥根能續筋斷者搗汁滴傷處滓敷其上半月不開筋自續矣

草繡球

其花紫色如彈子大之絨團其瓣甚硬

翦春羅

一名翦紅羅花大如錢六出瓣稍作鋸齒狀細碎有若翦痕故

名一種秋花者名翦秋羅一曰漢宮秋其莖葉似竹而大

草茉莉

花有黃白紫紅諸色亦有各色相間者子似梧子而縐紋如刻

皮黑肉白俗呼粉豆又名粉團花亦名山胭脂花

美人蕉

葉如芭蕉而小中抽莖著花鮮紅奪目

虞美人

罌粟別種叢生柔幹多葉有刺花具數色即麗春也花單瓣飛

舞儼如蝶翅扁動一名滿園春又名百般嬌花謝結蒴似罌粟而小

節節高

花長瓣而圓頭有黃白紅紫諸色夏開逐節挺莖而更開至秋

或高至三四尺而頂上仍開俗又呼爲步步登高

草芙蓉 即萬壽菊花日甚長莖葉如蒿俗名芙蓉花

荷花 即詩之菡萏爾雅謂之芙蕖今名蓮花有紅白二色

水仙 多年生草葉細長有並行脈叢生花莖生於葉叢間花爲繖形色

白單葉者花中有杯狀之副冠深黃而金色俗名金錢銀臺地下莖爲塊狀有毒可治癰腫冬初取塊莖植於瓷盆壅以圓滑之小石澆水其中每晨以清水灌之晝曬夜藏勿令冰凍小寒時應候而開花信風小寒三候水仙信然

千日紅 一年生草高尺許莖似海棠葉長爲橢圓形色紅紫爲頭狀花序頗美麗經久不凋故有此名

以上草本

梅花 落葉喬木早春開花有紅白二色花後始生葉花信風小寒一候
梅花本境氣候較寒置於冷地至春暖始開置於暖室則應候而開清香滿室

山茶 灌木類樹高者丈許葉頗似茶葉而厚硬光澤有稜面綠背淡暖地深冬開花有紅白及間色以紅者爲上境內氣寒盆植者冬日窖藏至春月始花近有置於暖氣室中者至小寒亦應候而開（花信風小寒二候山茶）

迎春 爲小灌木花色黃形細長如小管六瓣盆植者冬日置於暖室早春即開故名枝條最易延長夏秋之交剪之使短則易著花

玉蘭 落葉亞喬木樹高數丈葉與花瓣皆爲倒卵形一幹一花皆著木末春初開花九瓣大而厚色白如玉氣香如蘭故名未開時裹以厚苞密生細毛以防寒氣花落始生葉南方多植庭園本境氣候較寒皆盆植無成樹者

辛夷 落葉喬木花似玉蘭而色紫六瓣而短闊未開時尖銳如筆故又名木筆可入藥其木可接玉蘭本境亦皆盆植

小桃紅 葉如櫻桃花紅色似桃而大瓣層極多春日開花

月季 俗名月月紅以按月開放故名莖蔓生有刺花有紅白黃紫淡紅瓣有重單大小吾國舊有數種近自外洋輸入種類甚多有重瓣粉紅如牡丹者豔美悅目

長春 狀如迎春柔條紛披葉綠花黃繞枝爛熳逐時長開故名

牡丹 落葉灌木莖高葉歧花有重瓣單瓣之別色有紅白黃紫數種國色天香最爲豐豔昔人稱爲花王又稱爲富貴花略似芍藥故又名木芍藥根入藥用名牡丹皮秋分後宜分栽本境氣候寒冷皆植於盆冬日入窖不能繁茂花開未能碩大也

丁香 一名百結香又名雞舌香有紫白二色略如茉莉花狀產於熱帶者結子可爲香料並供藥用本境皆山丁香紫色居多

玫瑰 本赤玉名花色似之故名莖有刺絕類薔薇花味甘香紅者以糖製之可入食品可蒸露浸酒製香水黃者花小味薄俗通呼刺玫其野生者花皆單瓣名山刺玫製糖浸酒風味尤勝

薔薇 落葉灌木藤身叢生莖青多刺花五瓣而大有紅白黃諸色頗美

豔野生者花較小有純白粉紅二色皆單瓣而香過之花可製香水

茶蘼

本作醪釀酒名此花蔓生多刺有粉白二色初夏開重瓣花氣味

芳香色似醪釀酒故名

海棠

有數種早春卽開花小色深紅緊著枝上者名貼梗海棠花梗細

長者謂垂絲海棠皆重瓣不結實單瓣結實者名西府海棠

杜鵑

常綠灌木葉橢圓深綠莖葉皆有毛夏日開紅紫花間有白色者

花冠爲漏斗狀邊綠五裂甚深每於杜鵑啼時盛開故名本境皆盆植
開時千頭並放繁密整齊頗有可觀

山杜鵑

一名紅躑躅一名山石榴一名映山紅一名山躑躅多生山崖

石壁間枝少而花繁一枝數萼三月開花如羊躑躅而蒂如石榴有紅紫諸色紅者較多移植園庭花亦繁茂

櫻花 落葉喬木葉深綠卵形有鋸齒花長柄五瓣淡紅最爲豔麗自日本傳入鎮江山多植之春暮與桃杏梨李諸花同時開放花而不實間有植於盆中者花亦繁多

木槿 落葉小灌木葉爲楔形三裂互生花五瓣短柄如蜀葵色紅紫白皆備說文舜木堇朝華暮落者詩顏如舜華即此呂氏春秋仲夏紀木堇榮注云木堇朝華暮落是月榮華可用作蒸拌麪煎食甚佳

石榴 五月開花色赤如火單葉者結實曰果石榴千葉者不結實或結亦無子曰花石榴皆鮮紅奪目別有黃白二色皆異種罕見境內盆植

者多植於地下則凍死

木繡球

落葉灌木葉爲卵圓形微皺色深綠夏日開小花五瓣爲頭狀

花序攢聚成團略爲球形初開色多白或淡紅漸變爲藍紫色喜陰地
忌日光

梔子

常綠灌木花葉差大者曰林蘭又名鮮支葉橢圓而厚夏日開花

潔白如雪清香撲鼻惟本境氣候較寒盆植者冬日收藏寒熱均易致
病

夾竹桃

枝幹歧生挺直而長葉輪生於枝之周圍形似竹夏秋間枝頭

叢生花朵陸續開放形色絕類桃花土人皆呼爲柳桃或以其葉如柳
故歟

桂花 常綠亞喬木有三種菌桂即肉桂牡桂即木桂二種並入藥產廣西巖桂即木樨葉橢圓對生中秋葉腋叢生小花如粟粒花冠下部連合香氣濃厚色有黃白二種俗有金桂銀桂之稱金桂亦曰丹桂境內皆盆植冬月窖藏傷熱或凍以致葉脫則翌年無花

以上木本

大麗耶 種來自歐西一名西番蓮莖高數尺遞生旁莖至秋愈盛花有廣瓣菊瓣諸色皆備浙江餘姚縣仙樂種植園計有二百餘種美麗無比有售出種子及根莖以花之大小定價之多寡地下莖絕類地瓜俗名地瓜花境內習見者爲純紅色花朵較小殊不足觀公園中有純黃粉紅數種大而豔麗但有色無香爲美中不足耳

洋海棠 多年生草插枝易活宜盆植花色皆備四時不絕冬日置於暖室依然著花公園中最多

洋水仙 爲蒜科植物一莖多花有似蘭蕙有紅紫白三種嚴冬發芽二三月開花性宜土植於盆盎隨時灌溉則含英吐馥花繁而色濃豔其次宜栽於沙中與吾國之水仙僅以水石爲養者不同

除蟲菊 多年生草原產於歐葉爲羽狀分裂淡綠色春夏之交發花莖尺許開白花爲頭狀花序花中含有一種化合物曝乾研粉可除蚊蚤並能驅動植物體之害蟲其開紅花者葉深綠無除蟲之效

以上種來自外而久傳根者

草類 分田野草水草

葦

毛詩疏云葦之初生曰葭未秀曰蘆長成曰葦葦者偉大也生下隰陂澤中安東自五道溝以下鴨綠江岸至於黃海彌望皆是有大葦小葦之別大葦長丈許中空皮薄色白者葭也葦也蘆也短小而空中皮厚色青蒼者莢也荻也萑也其最短期而實中者兼也藪也藪也皆小葦也二者皆爲安東大宗特產大葦多用以織席小葦多用以覆屋今有出產稅

莠

禾粟下揚生者也一名狗尾草莖葉采皆似禾故曰惡莠恐其亂苗凡禾采下垂故淮南書謂之向根張衡賦美其顧本莠則采同而揚起不下垂故詩刺其驕驕桀桀田中生此宜早芟之以飼牲畜而免害嘉禾

大麻 穀類植物亦曰火麻其花雌雄異株收穫及功用各異雄曰臬亦

曰牡麻雌曰苴亦曰子麻葉掌狀花色白微青甚細碎牡麻五蕊苴麻

一蕊牡麻花落即可刈而漚之剝其皮爲線可製夏布故俗呼爲線麻

苴麻至秋乃刈先收其子而後漚之其皮粗硬可以綯繩其實曰蕒

蕒麻 字亦作苘作苘作縻本草綱目曰種必連頃故謂之蕒也喜卑濕

處高五六尺葉大如桐團而有尖六七月開黃花結實如黃葵子皮不

如大麻之柔韌漚而剝之可以綯繩其莖輕虛剝皮後蘸硫黃作焮燈

引火甚速或以燒灰培之曬乾亦可引火

蕒麻 一作蕒麻本草綱目蕒麻其莖有赤有白中空葉大如瓠葉每葉

五尖夏秋間椹裏抽出花穗纍纍黃色上有刺攢簇如蝟毛而軟凡三

四子合成一顆枯時劈開狀如巴豆殼內有子仁有油可藥用作印色及油紙子無刺者良有刺者毒

藍 葉如蓼故亦名蓼藍俗呼爲靛非靛乃藍之製造品也莖高二尺餘秋末開小紅花成穗割其莖葉漚之和以石灰可製靛青以爲染料自西洋靛油輸入種者已稀矣

菸 字俗作煙草名別名淡巴菰一曰菸草原產自呂宋明時始入中國莖高數尺葉互生而有腺毛采葉乾之則爲片菸切爲細絲可製各種捲菸有麻醉性能解疲勞爲嗜好品之一惟其中含有毒質名尼古丁爲無色油狀之液遇空氣變褐色有劇毒吸之有害衛生

油草 蓬勃叢生高二三尺有葉無莖有筋無節細如鐵線異常柔韌產

於鴨綠江口葦塘中七八月採取可藉以榨油爲出產大宗

茜草 蔓生延數尺方莖中空有筋外有細刺數寸一節每節五葉葉糙
澀面青背綠七八月開花結實如小椒大中有細子根紫赤色可染絳
詩種茹蘆卽此一名茅蒐

白茅草 本草綱目白茅葉如茅故謂之茅有數種夏花者爲茅秋花者
爲菅詩白華菅兮白茅束兮是也春生芽布地如鍼俗謂之茅鍼李時
珍曰茅有白茅菅茅黃茅香茅芭茅數種葉皆相似

黃茅草 如竹而細層層有節亦名黃稗草可以苫屋
水稗草 形極似稗惟結實甚小多生水邊可飼牲畜
紅茅草 生下濕地亦葦屬中微空可以苫蓋

狼尾草 似狗尾而粗壯中牛馬芻本草綱目狼尾草卽爾雅之孟狼尾

莖葉穗粒並如粟而穗色紫黃有毛荒年亦可采食

蓬 莖高尺餘葉如柳葉有鋸齒花甚小色白秋枯根拔風捲而飛故又

名飛蓬

蒿 艾類有青蒿牡蒿白蒿角蒿茵陳蒿數種

蕭 香蒿也詩生民取蕭祭脂或云牛尾蒿似白蒿白葉莖粗科生多者

數十莖可作燭有香氣古人祭祀以脂爇之爲香

艾 爾雅名冰臺博物志云削冰令圓舉以向日乾艾於後承其影則得

火故曰冰臺按此卽今製火鏡之法因聚日光於一點故熱力大而可

得火也醫家用以灸百病故曰灸草莖直生白色葉四布狀如蒿面深

綠背有白毛以葉大苗短者爲良連莖刈去暴乾收葉製成艾絨灸病有奇效亦可用作印泥縣俗於端午日採之

葛 多年生草莖細長蔓生山谷中長至數丈古人取治以作絺綌詩葛覃爲絺爲綌是也土人多取作繩索之用

芫蘭 多生山野間莖柔弱或蔓延於地或纏絡人家籬落及樹上葉長卵形而尖質厚而巨斷其莖葉有白汁如乳夏開白色小花旋結蒴長二三寸一端尖銳中有白絮如棉霜後枯裂則種子飛散葉可生啖亦可蒸煑食之蒴內之絮可製印泥作坐褥

書帶草 常綠多年生草葉如韭長尺餘柔軟叢生鮮翠可愛中央生短花莖開淡紫色總狀小花實圓而碧植之盆中蓬蓬四垂堪供清玩

虎兒草

常綠多年生草產於濕地高五六寸葉圓有剛毛背亦匍枝爲絲狀臥地延長隨處生苗多植盆中以供清玩

含羞草

一年生草園圃栽植之莖高七八寸葉爲複葉總葉柄之頂端常生四枝下垂每枝小葉甚多觸之則小葉閉合故名夏季開淡紅色蝶形花叢集爲球狀實成莢有刺

卷耳

生於園圃道旁等處莖葉皆有微毛莖高尺許

馬蘭

植於園庭葉似薤而長厚柔韌可以束物夏間抽莖開紫花結實作角子如麻大而色赤有稜名蠡實一名荔實根細長而硬可製刷

葎草

蔓生故墟道旁葉掌狀分裂多細齒莖及葉柄有細刺善勒人膚故名勒草亦名葛葎蔓葉對節生一葉五尖以莖纏繞他物秋開紫色

小花雄花成簇雌花成短穗結子狀如黃麻子

竊衣

生於道旁葉爲複葉葉片纖細夏開小白花爲繖形花序實橢圓扁平熟則有毛刺甚硬恒著人衣服及動物之體以散播其種子

雁來紅

庭園多栽種之高二尺餘莖葉類雞冠有紅黃等色之斑並有全紅全紫者至秋尤美麗一名老少年葉腋生多數小花色微黃一種紅綠相間者名十樣錦

大葉

多年生草獨莖高三尺許頂端擎葉似荷仰如盤盂不如其名土人以大葉呼之他處未見獨四區榆林村一溝中有之因名其溝爲大葉溝云

羊蹄

越年生草產於濕地春暮叢生大葉長尺許形如牛舌故亦稱牛

舌菜夏初抽花莖開淡綠色小花成叢下垂結子如蕎麥謂之金蕎麥
根長近尺紅黃色夏至即枯秋深復生經冬不死根擣汁可治疥癬腫
毒

土馬驥 蘚類自生牆垣岩石之上莖細長直立綠葉叢生子囊方形有
長柄生於莖頂性嗜水濕夏日天旱立即枯死迨至雨降又能吸水復
生

問荆 隱花植物山野自生地下莖橫臥甚長處處有小球形中多含澱
粉地上莖一中空有節每有鞘狀小葉枝條輪生謂中裸莖一頂端有
穗狀體着生孢子無枝葉謂之實莖形如筆頭可以爲蔬稱筆頭菜

燕麥 爾雅謂之雀麥俗稱山麥葉細長而尖有平行脈葉柄作鞘狀實

如麥而小

貓兒眼草 葉紋如貓睛斷其莖出白漿味苦有毒入藥名狼毒

蒺藜 布地蔓生細葉子有三角刺人可入藥 以上田野草

菖蒲 生池澤間葉脈平行有脊如劍高一二尺俗呼臭蒲別有葉高四五尺可織席蕊黃可入藥者俗名香蒲

水蔥 生水中如蔥而長又名翠管可織爲扇曰蒲扇

浮萍 池澤上水中甚多浮生水面常與水平葉扁而小面背俱青有一鬚根下垂或云楊花所化一葉經宿即生數葉一種葉體較大面青背紫下垂多鬚根者爲紫萍俗稱紫背浮萍入藥

浮水蓮 浮生水面四葉合成一葉如田字形夏秋開小白花

莎草 葉如老韭而硬光澤有劍脊稜五月中抽一莖三稜中空莖端別生三葉開黃褐色小花成穗取其莖乾之可製蓑衣以爲雨具

木類

以上水草

松 種類甚多有赤松黑松白松海松抱松落葉松等境內大木開邊時斬伐無遺新種者惟赤松俗名油松僅堪爲煤坑抗木無任棟梁材者其他各種元寶山鎮江山各公園苗圃均有所種植以點綴風景成材者尙少

柏 有側柏扁柏檜柏羅漢柏之別各苗圃種植側柏成行多年生者尙稀

楊 有青白二種夏開穗狀花實成飛散如柳絮生長極速新修縣鄉道路兩旁栽植成行以青楊爲多灤河之濱青楊有成林者白楊本境尙少

柳 有數種一種枝條下垂名垂柳多植於門前一種枝條高舉名杞柳一種枝條色赤葉狹長而厚名河柳俗名蒿柳多生河邊條可製器葉可飼蠶一種枝條屈曲名水曲柳生長甚速

槐 羽狀複葉夏開黃白花如蝶形實爲長莢狀如連珠子黑入藥木堅重可作器具又有洋槐枝上生刺由外洋傳入生長甚速近來園庭路旁多植之

榆 羣芳譜榆有數種今人不能別惟知莢榆白榆刺榆榭榆而已結莢

扁圓纍纍成串謂之榆錢可食木材堅實可以造車境內榆樹無甚偉大者

柞 屬殼斗科樹色灰褐皮粗而厚葉與栗相似光滑而堅韌兩邊有鋸齒爲飼山蠶之主要樹株有大葉小葉之別全境山林彌望皆是爲育蠶便利計數年刈伐一次高僅四五尺故無成材者果實小而圓在碗狀之殼斗內俗名椲子仁如蓮肉味澀歉歲人有食者殼斗可染皂

榭 一名榭榭即詩之林有樸榭聲轉爲榭榭後又損一字爲榭榭榭即殼鯨以其將落殼鯨然故名李時珍曰榭有二種一種叢生者名枹見爾雅一種高者名大葉櫟俗呼爲構櫟樹或名榭科葉大可飼三眠後之壯蠶木材供薪炭之用樹皮含澀質可作染料及鞣皮料實與柞同

而圓

青欄 柞類之佳種由其葉可分二種一大青欄葉片大而薄鋸齒深一
小青欄葉片厚而小邊緣稍卷二者生長甚速木質亦堅實葉可供稚
蠶之飼料春日發生最早故育春蠶者必擇青欄林

青楊 俗名冬果樹葉橢圓而長花似栗褐色隆冬時發榮結實似松果
實樹皮皆可爲染料木色亦赤

黃楊 木質細緻頗難生長葉光潤而厚色青微黃有似初生槐葉四時
不彫多植於盆以爲觀賞

樺 葉橢圓多紋皮厚而輕上有紫黑花可燃作燭炬木色黃有小斑點
椴 有白椴赤椴二種皮白者爲白椴葉大如白楊皮赤者爲赤椴葉如

水楊皮柔韌如麻俗呼椴麻可以束物

刺楸 皮色黑褐有黃白斑文枝肥大有銳刺甚多葉爲掌狀分裂互生
葉柄頗長夏季開黃褐色小花列爲繖形其材堅實花紋甚美可製器
具境內成材者甚稀

楓 葉掌狀三裂有細鋸齒可採以染阜至秋經霜而紅美麗可觀

櫟 樹似女貞而異枝條堅韌可以製筐筥其樹有蠟蟲分泌之白蠟可
採取煎油作燭

桑 有山桑家桑二種山桑葉小家桑葉大皆可飼蠶近年種植家桑者
漸多

樗 葉爲羽狀複葉有臭氣又稱臭椿可以飼蠶

槭 葉掌狀分裂夏開紅深色小花實爲乾果有二翅其葉至秋經霜亦

早鮮麗之紅色似楓而非楓屬木理頗美公園及馬路旁多植之

黃檗 樹皮灰白內皮深黃羽狀複葉頗繁密花細碎黃綠結黑實如豆

大內皮可爲染料亦可入藥

棟樹 赤者葉細中爲車輪白者葉圓木理堅緻其包鑲桌面甚華美縣

境無大樹

杏條 叢生灌木皮褐色內黃養蠶者多取編蠶筐及繭籠之用亦有作

薪者

山椒 落葉灌木山野自生有刺葉爲羽狀複葉對生夏開小花黃綠色

實圓小熟則色褐裂開黑子外現俗名山花椒香氣不及花椒之烈土

人多採以製醬

皂莢 亦名皂角落葉喬木多刺葉爲羽狀複葉夏開黃色小蝶形花結實成莢長扁如刀用以洗濯衣服又一種開白花者結莢較短而粗肥謂之肥皂莢取其莢搗爛濯垢遠勝尋常皂莢刺入藥名皂刺

鼠李 俗名老烏眼高丈許枝稍有針葉橢圓互生夏開小花淡黃微綠實赤黑如烏眼木堅緻有花紋有黑眼者佳可作手杖及煙桿之用皮與實可染黃色

凍青 寄生樹上葉微圓子赤凌冬不凋青蔥可愛

六稜木 枝幹皆六稜最堅實夏開粉紅色花狀如草茉莉而小清香遠聞紅石村有之

植物入藥者

人蔘 一作蔘俗作參本草綱目人參春生苗初生小者三四寸許一極五葉始生有三葉者四五年後兩極五葉未有花莖十年後生三極年深者生四極各五葉中心生一莖三月四月有花細小如粟蕊如絲紫白色秋後結子七八枚如大豆生青熟紅自落根如人形者神爲藥物中之珍品高麗人作人參贊云三極五葉背陽向陰欲來求我椴樹相尋葉樹葉大陰廣其下常產人參境內近年罕見惟頂旗山中有之苦參 葉爲羽狀複葉互生夏開黃色花成穗實爲細長之莢子如小豆根入藥可治疥癬

細辛 葉闊而尖甚狹有長葉柄植生於根莖花三瓣色紫黑根多鬚味

極辛入藥

黃耆 一名黃芪根長二三尺獨莖枝幹去地二三寸葉爲羽狀複葉有毛夏日開淡紅花形如蝶結莢長寸許似赤豆根入藥

赤芍 見花類

黃檗 見木類

蒼朮 莖高二三尺葉爲橢圓形以有複葉者秋日開花色白或淡紅周圍總苞如葉狀類覆瓦嫩苗可食俗呼槍頭菜根如薑蒼黑色肉白入藥

青蒿 春時葉布地叢生羽狀分裂莖高三四尺梢葉細裂如絲入秋花黃綠色爲小頭狀花序排列如穗性苦寒氣芳香治骨蒸勞熱凡藥苦

寒傷胃惟青蒿香芬入脾宜於血虛有熱之人毫不損胃子及根入藥
青箱子 見花類雜冠

蒼耳子 爾雅名臬耳詩名卷耳莖葉皆有微毛多生田間有二種子多
刺而堅曰豆蒼其有軟毛黏衣不落者曰黏蒼其以耳名者因實得名
也陸璣詩疏其實如婦人而璫多刺味苦甘性溫善發汗散風溫古方
根葉皆入藥

牛蒡子 莖高三四尺葉爲大心臟形有長柄背生白毛夏初開管狀花
色紫並有鱗片結成之總苞實多細刺一名惡實性辛平潤肺解熱

五味子 蔓生長六七尺莖含黏液甚多葉爲長卵形厚而有光夏末葉
腋開黃白花狀類蓮花七月成實叢生如小球生青熟黃肉甘酸仁苦

而辛並有鹹味故名

苳麻 見草類

地膚子 見野蔬類

車前子 即芣苢子見野蔬類

芄蔚子 益母草子也

牽牛子 綱目名黑丑宏景謂此藥始出田野人牽牛謝藥故以名之有

黑白二種名黑丑白丑者蓋以丑屬牛而隱語也見花類

益母草 一名芄蔚李時珍曰此草及子皆芄盛密蔚故名芄蔚莖方類

麻高四五尺葉略似艾三裂或五裂夏秋間葉腋簇生脣形花色淡紫產婦服之有益故名益母爾雅名葎即此一種白花者謂之鑿菜其嫩

苗亦可食

蒲公英

一名金簪草千金方作鳧公英庚辛玉册作鵝鵝英俗呼蒲公英
丁又呼黃花地丁因其花如金簪頭獨脚如丁故名葉由根叢生羽狀
分裂有大鋸齒下向早春葉叢抽花莖中空斷之有白汁頂開黃花爲
舌狀苗入藥有健胃之效嫩葉可食

龍膽草

高二三尺葉爲箭鏃形有從助三無柄對生夏開白管狀花生
於莖頂或上部之葉腋根入藥味甚苦

夏枯草

多年生草莖方高三尺葉作長卵形端尖莖葉皆有毛夏初莖
端開唇形花列爲穗狀花序紫白色結子亦作穗夏至後即枯蓋稟純
陽之氣而生得陰氣則枯莖葉入藥四月采之

旋覆花 見花類

貫衆 見野蔬類

防風 多年生草初生紫紅色漸分青綠色葉羽狀三裂似青蒿而短小
五月開細白花五瓣作複繖形花序實似蒴葵子而大根土黃色二月
十月采之性甘辛微溫爲祛風瘧之要藥

柴胡 有南北二種北柴胡莖高二尺許葉狹長互生夏日開小黃花五
瓣根入藥

紫蘇 李時珍曰蘇性舒暢行氣和血故謂之蘇莖方高二尺餘葉卵形
端尖有鋸齒對生背紅紫色夏日出長花莖開小唇形花色淡紅實如
芥子莖葉實皆爲藥品又一種莖葉皆淡青而花白者別名荏亦稱白

蘇專爲香料子榨油謂之蘇油

篇蓄

多生道旁莖高尺許葉狹長而厚略似竹葉故亦稱扁竹赤莖如

釵股夏月葉腋生花甚細青黃色亦有淡紅者四五月采苗陰乾

木通

蔓狀灌木繞樹而生莖有細孔吹之兩頭皆通者良大者徑三寸

每枝二三枝枝有五葉葉爲掌狀複葉夏秋開淡紫花結實長三四寸

核黑瓢白食之甘美枝入藥謂之通草古方所用通草皆即此物

阜刺

見木類

紫草

山野自生高二尺餘葉長橢圓形互生葉面粗糙夏日頂生小白

花根色紫亦可爲染料爾雅作蒞草

荆芥 莖柔軟高尺許葉爲箭簇形淡黃綠色秋開綠色小唇形花爲總

狀花序略如紫蘇故又名假蘇實中有細子黃赤色莖葉入藥

桔梗 即杏葉菜高二三尺葉橢圓有細鋸齒秋初開花五瓣頗大色紫

或白根如牛蒡莖可入藥性苦辛而平

升麻 產於溪澗陰地莖高二三尺葉爲複葉夏開白花成總狀花序根

紫黑色多鬚性甘辛微苦散表風邪

稀葶 一年生草莖方高二三尺葉圓而端尖對生秋開小黃花有黏毛

易著人衣葉可入藥

黃芩 莖高二尺餘叢生類索草亦有獨莖者葉箭鏃形略似柳無柄兩

兩相對夏日開花成穗有紫白等色根長四五寸色深黃曝乾入藥其

宿根外黃內黑者曰片芩新根內黃者曰條芩

瞿麥 見花類

蒺藜 見草類

(丙礦物)

金屬

金 第一區之南北塘六區之鋪板石七區之礦洞子均產金清季均經官商採辦以礦苗不旺賠累停辦

銅 第五區之銅礦嶺六區之湯池子接梨樹均產紫銅清季及民國初年經商人先後開設利源公司天和公司開採銅礦嗣以有外人股分民國七年省令查封無復開採者矣

鉛 第六區之大河峪七區之礦洞溝皆發現鉛礦未經開採

非金屬

水晶 石英屬結晶作斜方六面體無色透明光澤如玻璃而硬度較高
第一區紅石村有之但地面未見大者耳

雲母 出紅石村色白有珠光裂紋完全擊之片片如紙性耐火惟無甚
大者耳

灰石 出城區八道溝裏色白質不甚堅可煨石灰市內建築房屋基礎
多用之

土煤 即草煤草埋土中年久如土色黑質軟割方取出乾之可以代薪
惟火力較弱第六區第八區皆產之除本區用爲燃料外多運至城區
銷售爲燒炕之用

礦產入藥者

雲母 下氣補中堅肌續絕治勞傷瘧痢瘡腫癰疽

石灰 止血生肌殺瘡蟲治湯火傷

製造產

(甲) 動物製造產

灰絲 用柞蠶繭製造者有大繖小繖之別爲本境工業出產大宗

皮革 以牛皮爲大宗騾馬驢羊等皮次之

蝦米 有大小二種大者青蝦所曬去殼淨肉味最鮮美年產數萬斤運

銷四方爲鴨綠江大宗特產小者白蝦所曬不去殼豐收時年約二十

餘萬斤

(乙) 植物製造

豆油

豆餅

葦蔗

燒酒

(丙) 礦物製造

石灰

氣候

縣境西南瀕海除西北二方距海較遠氣候屬大陸性餘均屬海洋性夏

月極暑之日華氏表升至八十二度冬月極寒之夜降至零度春秋約在四十七度上下每歲冰泮以清明前爲期結冰在小雪後一歲之中溫和之日居多

人曰

國之天下無疆水陸及音因而通商賈本於此一經一經之不足
以爲天下之利也夫天下之利也夫天下之利也夫天下之利也夫天下之利也